

周
易
擇
言

周易擇言卷四

瑞安 鮑作雨 雲樓

集著

同里 項傅梅 茗垞 校彙

巽下
坎上

井改邑不改井无喪无得往來井汔汔至亦未繙井羸其

瓶凶

釋文井精領反字林作井子挺反汔徐許訖反幾也王肅音其乞反繙音橘徐又居密反又其律反又音

述羸律悲反徐力追反蜀才作累

陰虛含陽實卦有井象邑可改而井不可遷汲之不竭

舍之不盈无喪无得井之體也往者自井而往來者望

井而來皆得所養井之用也君子有陽剛誠實之德以

敷政教如井有泉其體不易其用不窮內有以自養外

有以養人亦井道也然井泉在下汲之使上乃能養人

使汲水將至繻未盡收而或不慎羸敗其瓶則凶矣人君施仁政用賢臣垂成而忽敗雖有仁政賢臣而人不得其養皆此象也故戒之汔幾也繻綆也羸敗也瓶汲之瓦器○宋衷曰世本云化益作井化益伯益也堯臣鄭康成曰井以汲水水无空竭猶人君以政教養天下惠澤无窮也

彖曰巽于水而上水井井養而不窮也

釋文養如字徐以上反

巽入也入水上水汲井之象卦之有井以其有養而不窮之義故必有取于泉○鄭氏康成曰巽木桔槔也桔槔引瓶下入泉口汲水而出井之象也亦通

改邑不改井乃以剛中也汔至亦未繻井未有功也羸其瓶是以凶也

剛中有本之泉統釋改邑三句凡濬井必就原泉故邑
改而井不改井无得喪君子之德大行不加窮居不損
而上不能用則无功而凶矣有用人之責者可弗鑿哉
王弼注以剛處中故能定居其所而不變也

象曰木上有水井君子以勞民勸相

釋文上如字歸又時
掌反相息亮反王肅

字如

木上有水是草木之根得水之潤上行至杪結而為實
皆有滋液可以養人是木道之入水上水亦井象也木
道莫大于稼穡故君之養民亦莫重于稼穡勞民即勞
農之事勸相則同井友助使民自相養也大象蓋以井
田殖穀發明井養不窮之義木上有水穀實所以成故
大禹之功在盡力溝洫桔槔亦灌田之器凡養道皆自

井田始

初六井泥不食舊井无禽

陽實為泉陰虛則无泉又居下而无應則為井底之汚泥而已此舊井已埋凝滯滓穢人不可食即禽獸亦弗之顧矣賤而无德于物无濟之象以政言則良法盡廢也干寶曰在井之下體本土爻故曰泥

象曰井泥不食下也舊井无禽時舍也

舍棄也程傳舍上聲與乾之時舍音不同

九二井谷射鮒甕敝漏

釋文谷古木反又音浴射食亦反徐食夜反鄭王肅皆音亦荀作耶

甕屋送反李于鍾反鄭作甕說文作甕敝婢世反王肅徐扶滅反

剛中則有泉矣然在下體无應于上其象為井深若谷蓄泉不能上出養人僅能下注射于井底之鮒魚而已

蓋汲必用甕如甕敝而漏無從汲引也賢人窮而在下
之象以政言則小惠及恩倖而澤不及民也鮒鮒也博
雅爾雅翼俱作鮒同鮒指初六程傳或以為蝦子夏傳
以為蝦蟇非虞氏翻曰巽為谷為鮒畧通

象曰井谷射鮒无與也

上无與汲谷氏家杰曰謂有泉而无與與无泉而時棄
者自不可同也

九三井渫不食為我心恻可用汲王明並受其福釋文渫反

檢又食列反按
唐石經渫作洩

陽剛在二之上如井已渫治去其汚泉清于二矣然在
下體不能上行人不得食賢者有養人之才而不見用
行道之人為之心恻矣當世仰望之切皆曰可用汲矣

願王之明汲引以養人則君臣衆庶並受其福也爻詞
皆就旁觀言下卦皆未汲之泉故不論應黃穎曰渫浚
治也張璠曰可爲惻然傷道未行也

象曰井渫不食行惻也求王明受福也

行道之人皆爲之惻爲之求趙氏汝楳曰井不以不食
爲憂賢者不以不遇而惻按三之不食時未至也及其
時至則食矣故有王明受福之望九五中正居尊王明
之象井渫井洌同德相濟俟其時耳○干寶曰此託殷
之賢者獨守成湯之法度而不見仕畧通

六四井甃无咎

四在上體陰柔得正非泉而可以蓄泉者井甃之象雖
未上出然有蓄乃可待汲故无咎以瓦甃壘井曰甃所

以禦四旁之汚四近君之臣順正自守上承九五之寒
泉以成其養之事雖才不足而亦无敗壞之咎者也

象曰井甃无咎脩井也

脩治也潔也

九五井冽寒泉食

釋文冽音列
王肅音例

冽甘潔也井泉寒者尤美陽剛中正居尊才德盡美人
賴以養故曰井冽又曰寒泉食易氏祓曰三居甃下未
汲之象也故不食五出甃上已汲之泉也故曰食

象曰寒泉之食中正也

程傳井道至善中正之德

上六井收勿幕有孚元吉

釋文收徐詩救反又如
字荀作甃干本勿作罔

承九五而言寒泉至上已收汲以養人坎口不揜無所

蔽覆任人自取原泉有孚出而不窮井道至此而成故
爲吉之首大人德澤旁敷至誠無息治功大成之象也
占者凡事亦必有孚則成功而元吉收縮盡收也虞翻
云收以鹿盧收縮也亦通幕蔽覆也王弼注不擅其有
不私其利則物歸之往无窮矣按五上兩爻作一爻看
井冽直貫至元吉一卦之德盡在此又初二象井下三
四象井中五上在井上故五已稱食上六亦不以陰柔
非泉論○先儒以三陽爲泉三陰爲井陽實陰虛之象
也二之射始達之泉也三之渫已潔之泉也五之冽則
汲食之泉矣初之泥井底也四之羸已脩之井也上之
收則已汲之井矣

象曰元吉在上大成也

程傳井以上爲成功于寶曰處井上位在瓶之水也故
曰井收井以養性政以養德无覆水泉而不惠民无
蘊典禮而不興教則大化成也

三三
離下
兌上

革已日乃孚元亨利貞悔亡

二體相尅有革之象凡變革之事不可輕遽必審度周
咨已歷多日人人共信其當革然後革之弊甚而革革
乃大通革其不正惟利于正革易于悔所革皆當悔乃
可亡皆慎戒之辭本義變革之初人未之信故必已日
而後信亦通○王弼注民可與習常難與適變可與樂
成難與慮始故革之爲道卽日不孚已日乃孚也孚乃
得元亨利貞悔亡也已日而不孚革不當也馬鄭曰革

改也

象曰革水火相息二女同居其志不相得曰革

釋文息如字說文作

煇

澤在上火在下火然則水乾水決則火滅中少二女性本相戾少又居上志不相得必有變革之事睽之火澤不過相背而已革則相向而相滅非變革不可本義息滅息也又為生息之義滅息而後生息也王弼以息為生變之謂水火相戰而後生變畧通○李舜臣曰二女不同行不過有相離之事故止于睽不相得則不免有相克之事故至于革

已日乃孚革而信之文明以說大亨以正革而當其悔乃

亡

釋文革而信之一本無之字

審慎至于已日則革而信之矣以卦德言文明則能察乎理勢所當革以致民說故所革者皆大通至正革無不正無不當然後悔亡一有不正當不免于悔也○程傳文明則理無不盡事無不察說則人心和順胡炳文曰彖未有言悔亡者惟革言之革易有悔也

天地革而四時成湯武革命順乎天而應乎人革之時大矣哉

本義極言而贊其大○按大在時至不得不革天人一也

象曰澤中有火革君子以治歷明時

正治日月星辰之歷數以明四時變易之政令君子法天地自然之革也而凡窮變通久之道皆準諸此矣王

政莫先于授時故于此發之本義四時之變革之大者
崔憬曰火就燥澤資濕二物不相得終宜易之故曰澤
中有火革也

初九鞏用黃牛之革

革貴慎重在下無革之位處初非革之時上又無應不
可有爲惟以中正之德堅守其故而已故曰鞏用黃牛
之革鞏固也離體稱牛初剛能鞏所不足者中也故以
中勗之不輕于革亦無所爲吉凶王弼注牛之革堅韌
不可變也呂氏大臨謂黃牛指六二二有中順之德初
當結六二以自固亦通

象曰鞏用黃牛不可以有爲也

六二巳日乃革之征吉无咎

體明達順居中守正為內卦之主獲上得權可以革矣
然明順則有慎重之思處下又有無成之義必待已日
信孚于上下乃敢革之又恐其過于畏苾應機不斷故
言已日之後征行則吉而无咎戒占者不可遽革亦不
可止而不進失其可革之機也○已日即象之已日宜
有待也或謂一爻為一日自初至二為已日未合○王
弼注陰不先唱革已乃能從之二五相應是以征吉无

咎畧通

象曰已日革之行有嘉也

釋文行如字
又下孟反

征行在已日之後故有嘉美之功

九三征凶貞厲革言三就有孚

過剛不中居下之上人臣以躁動為革者也所行不正

則凶雖正亦厲無一而可也然時至三已當革惟能去
躁去偏虛已以博訪衆論至再至三謀成而人皆信之
則亦可革而無凶厲矣王安石不知革言三就之義故
凶厲及于民革自初至三故稱三就程傳貞厲謂守中
正而懷危懼連下革言三就說龔氏煥謂處當革之時
一于貞固自守不知變革則亦厲畧通

象曰革言三就又何之矣

何之猶言何往

九四悔亡有孚改命吉

四不中正宜有悔也然離下體入上體時已當革近君
之位體剛用柔故悔可亡但四非革之主又必有孚于
上下然後改革發爲命令則盡善而吉四在革言三就

之後巳日之象悔亡卽象之悔亡革道成也命承五之
命虞氏翻曰將革而謀謂之言革而行之謂之命陸希
聲曰爲物所信則命令不便于民者可改易而獲吉王
弼注處上之下始宣命也○程傳革之旣當惟在行之
以誠上信而下順其吉可知或謂悔亡由于有孚有孚
連上說俱通

象曰改命之吉信志也

信志上下皆信其志

九五大人虎變未占有孚

陽剛中正居尊位曰大人革之主也虎變論其革之大
凡有變革大事必占其孚與否如九五之德位時則未
占而人已信其爲虎變之大人非若三四兩爻必待有

孚而後革革而又欲其有孚也先孚後革此真天人合
應之時革之至善惟堯舜湯武足以當之本義虎大人
之象變謂希革而毛毳也在大人自新新民之極順天
應人之時也王弼注未占而孚合時心也

象曰大人虎變其文炳也

大人至德輝光化成天下其文炳然如火之照程傳事
理明著若虎文之炳煥明盛

上六君子豹變小人革面征凶居貞吉

豕大人虎變言革之終天下之君子皆成名德立如豹
之變天下之小人亦革面從善無復舊染之汚此大人
革道之大成也又言法令不可屢更若復征行則過于
革而凶矣已革之後百度修明久則漸至廢弛守以正


固而不失則吉矣並舉吉凶使知法戒以善其終所革更無流弊矣虎變兼一世言豹變就一身言君子小人在初革時大人之臣庶也又五上分先後言則大人虎變為開創之君君子豹變為守成之主二義皆是○征凶居貞吉亦革極不復革之義○陸績曰兌之陽爻稱虎陰爻稱豹

象曰君子豹變其文蔚也小人革面順以從君也

釋文蔚音尉又

紆弗反說文作斐

君子心結儀一順理成章其文蔚然如木之茂順從有耻且格之謂○又張子謂上六以柔為德不及九五剛中炳明故但文章蔚縟能使小人改觀而從也亦通



巽下離上

鼎元吉亨

易道以養人爲主民非水火不生活故有井鼎兩卦以水養人莫如井以火養人莫如鼎水火皆以木爲用木入水而上水爲井木入火而上火爲鼎自有鼎以烹飪而享神養人王道大備其德內巽順外聰明六五又以柔中應剛君能養賢之象故有元吉亨之占○傳義吉字衍文按泰言吉亨大有言元亨鼎言元吉亨蓋兼泰大有之義泰之賢長大有之賢衆皆賴鼎以養之也文王繫彖其辭原有增減孔子彖傳止稱元亨則吉亦在其中兩聖之易各還其舊方是吉字似非衍文○王弼何妥謂鼎變故成新制器立法尤須當理故先吉而後亨通畧通

豕曰鼎象也以木巽火亨飪也聖人亨以享上帝而大亨
以養聖賢釋文亨本又作盲同善庚反煮也饌入甚反徐
而鳩反按說文引作孰能其義爲長以享香兩
反

井鼎皆象形而鼎象尤顯初陰爲足二三四陽爲腹爲
實五陰爲耳上陽爲鉉鼎之用莫大于享帝養賢享帝
特性養賢備物故獨稱大烹○鄭康成曰卦有木火之
用互體乾兌乾爲金兌含水爻以木火鼎烹熟物之象
鼎烹熟以養人猶聖君興仁義之道以教天下也九家
易亦象三公之位上則調和陰陽下則撫育百姓牛鼎
受一斛羊鼎五斗豕鼎三斗

巽而耳目聰明柔進而上行得中而應乎剛是以元亨

程傳離明而中虛于上爲耳目聰明之象凡離在上者

皆云柔進上行以明居尊而得中道虞翻王弼柔謂五
義同張氏清子曰上體離也離爲目而兼耳言者蓋以
六五爲鼎耳而取也

象曰木上有火鼎君子以正位凝命

釋文凝翟作擬

鼎形端而體重君子法之以正其所居之位無少偏倚
凝其所受之命終無變遷正位乃所以凝命也凝命定
命也王者受命定鼎之象聖賢正行立命亦以之胡氏
炳文曰鼎之器正然後可凝其所受之實君之位正然
後可凝其所受之命項安世曰中心無爲以守至正君
所以凝天命○程傳從王弼說以爲安重其命令未合
初六鼎顛趾利出否得妾以其子无咎

釋文出徐尺遂反或如字

初爲鼎趾柔而應四趾向上則鼎顛矣顛宜有咎特以

鼎初无實且欲烹先漑傾出否惡然後可實是初之顛
趾有漑鼎出否之義合于取新之利也初柔而賤應四
則剛柔相濟剛爲鼎實有既漑受實之義柔賤妾之象
受實子之象故又有納妾得子之象凡事之初洗心滌
慮則可轉敗爲功因賤得貴而无凶咎若任其顛覆而
不去否惡有咎必矣○顛趾本非美事聖人教以出否
救之于事始冥升本非美事聖人教以不息救之于事
終吉凶與民同患不外滌惡于其始慎修于其終也○
初柔與四剛相應柔得剛則益剛得柔則損故初无咎
而四有凶得妾以子只就初爻取象非謂四得初爲妾
也○熊氏良輔曰鼎顛趾鼎未用而傾仆也汙穢不能
留反以顛爲利若四之折足則覆敗而凶矣

象曰鼎顛趾未悖也利出否以從貴也

顛則悖矣而有未悖者去惡從善故也善爲良貴陽也

本義從貴謂應四

九二鼎有實我仇有疾不我能卽吉

二爲鼎腹剛中則有實矣六五以柔居尊全賴九二剛中之實以養天下是賢相任天下之重者陰柔小人欲以不正相親相就則有疾害于我是我仇也嚴以絕之使不我卽則一于應五乃足承人主之重任成養民之大功而吉怨耦曰仇指初六二比初而剛中故不受其害四應初而不中正故至于凶凡小人善曜人人受其疾而不覺故曰我仇有疾以深戒其卽卽則喪其實而凶矣元祐諸賢尙不能嚴絕小人可見不我卽之難

一說仇泛指小人言亦通王弼以五爲仇虞翻以四爲仇俱非

象曰鼎有實慎所之也我仇有疾終无尤也

有才德之人尤宜慎其所往君子不入小人之黨乃終无尤皆深戒之辭

九三鼎耳革其行塞雉膏不食方兩虧悔終吉

剛正居鼎腹有實可食但五非三之正應如鼎耳變革不可舉移雖有雉膏之美人不得食賢者德足養人而上弗能舉之象然懷藏美德積久必彰三爲巽極五爲明主陰陽將和可漸消其從前不合之悔終必見用而吉○五爲鼎耳凡燕享必舉鼎而行耳廢則不能行故曰行塞雉離象三上承離體如雉膏在鼎腹只喻實之

美不必以五為雉膏為祿位○井鼎九三皆不食皆越
五應上也終是有應只爭遲速故井三求王明鼎三方
兩虧悔然井或有不及之泉鼎則無不出之實故終吉
之占勝于井三

象曰鼎耳革失其義也

耳是五耳革是五失用賢之義故三之行塞○程傳與五
非應失求合之道指荷蕢丈人一流畧通

九四鼎折足覆公餗其形渥凶

釋文渥於角反沾也鄭作餗音屋

以九居四實盈鼎腹之象下應初六足弱而折覆其公
餗身被濡汚大臣器小易盈不勝任重好用小人覆敗
國事汚辱皆歸其身刑戮必及之故凶公餗猶公膳喻
國事形渥亦是喻象鼎覆餗出必汚其身大臣信用誤

邪身受惡名囊无信費無極與謗亡郢形渥之凶也王
弼曰渥沾濡之貌也既覆公餗體爲沾濡知小謀大
不勝其任受其至辱災及其身故曰其形渥凶也○程
傳其形渥謂赧汗也本義晁氏曰形渥諸本作刑劇謂
重刑也虞翻曰餗八珍之具

象曰覆公餗信如何也

人臣先資其言拜自獻其身以成其信書曰成允成功
折足覆餗則信安在

六五鼎黃耳金鉉利貞

釋文鉉立典反徐又古立
反又古冥反一音古螢反

黃耳金鉉純是喻象五爲鼎之兩耳鉉貫耳以舉鼎者
也黃中金剛言人君用賢養民當如以鉉貫耳舉其鼎
內剛中之實以養人又慮陰柔任賢易怠故勉以利貞

則賢無不用民無不養矣此言用鉉以喻舉賢不指上六亦不指九二五應九二之剛中黃金也而五亦有中三四亦有剛舉全象言不必泥定一爻鄭康成曰金鉉喻明道能舉君之官職也按一鼎止有一鉉上九明是鉉象指上亦可通程傳指九二未合

象曰鼎黃耳中以爲實也

賢有剛中之德爲鼎之實君有中德乃能用賢是中卽君之鼎實也王弼注以中爲實所受不妄也

上九鼎玉鉉大吉无不利

承五之舉鼎養人而言以終一卦之義一陽橫互鼎上鉉也以剛處柔謂之玉鉉亦喻象也言六五柔中之君能用陽剛之賢則剛柔有節如舉鼎而以玉鉉出其寶

德以養天下鼎之功至此而大成故大吉无不利鼎上出鼎與井上出井義同皆以五上兩爻作一爻看故上與五皆言鉉鉉貫入耳原是一事鉉一舉則全鼎皆得用大吉无不利即象之元吉亨也王弼注處鼎之終鼎道之成也○六五柔則貴剛故稱金鉉上九剛則貴柔故曰玉鉉其實一鉉而已

象曰玉鉉在上剛柔節也

鼎上功成以君臣上下剛柔相濟合節故稱玉鉉以全象言亦井上大成之義又能良輔曰上以剛居柔故曰剛柔節而比德于玉也

三三 震下
震上

震亨震來虩虩笑言啞啞震驚百里不喪匕鬯

釋文虩虩荀作懇懇

言亦作語

一陽震動自有亨道其象爲雷令人恐懼又爲長子足以主器皆致亨之道也君子凡有舉動卽以恐懼之心入而爲主于內是曰震來虩虩恐懼驚顧之貌能自脩省如此則一笑一言莫不合于法則其後必啞啞而和適矣雖遇震懼之大事如雷之震驚及于百里人皆失其常度而長子誠敬以奉祭祀終不喪其七鬯蓋敬畏常存則無復可懼之事也震來虩虩釋震字笑言啞啞釋亨字震驚百里二句申明啞啞之義震來以心言震驚以事言祭以棘木爲匕所以舉鼎之實而升于俎者鬯以秬黍爲酒和鬱金其氣香鬯所以灌地降神者七牲薦鬯皆主祭者親其事鄭康成曰雷聞百里諸侯之

象諸侯之教令能警戒其國內則守其宗廟社稷爲之
祭主不亡七與也畧通陸希聲曰虢爲蠅虎程傳蠅
虎周顧深慮附存

豕曰震亨震來虩虩恐致福也笑言啞啞後有則也

驕佚生禍恐懼致福故震有亨道笑言啞啞有則不亂
常變皆可處

震驚百里驚遠而懼邇也出可以守宗廟社稷以爲祭主
也

言百里則遠者皆驚而邇之可懼甚矣以邇爲主甚言
其可畏也○本義程子以爲邇也下脫不喪七變四字
今從之出謂繼世而主祭也或云出卽變字之誤程傳
承上文用長子之義通解之謂其誠敬能不喪七變則

君出而可以守宗廟社稷爲祭主也亦通張清子曰
卽帝出乎震之出主卽主器莫若長子之主若舜之烈
風雷雨弗迷可以出而嗣位矣又王肅謂處則諸侯執
其政出則長子掌其祀

象曰洊雷震君子以恐懼修省

釋文洊在震反
徐又在悶反

恐懼修省非一事洊雷之象既修治復省察皆懼其有
惡而去之也惡去則善長矣此致福之本也君子雖无
恐懼之事常存恐懼之心心中自有洊雷非因雷而懼
遇難而懼也

初九震來虩虩後笑言啞啞吉

震以初爲主又爲事之始故辭與彖同震來而恐懼虩
虩而脩省始旣如此後必有笑言啞啞之吉○長子止

有一人初九一陽天地始交盡得震卦之義九四雖震
體已是中男之象矣

象曰震來虩虩恐致福也笑言啞啞後有則也

六二震來厲億喪貝躋于九陵勿逐七日得釋文億本又作億同于其

反辭也躋于力反喪息溘反苟如字貝如字苟作敗躋本又作躋

初剛發動上行其勢莫禦而二以柔乘之故有震來危
厲之勢以其柔順中正故度其貝之必喪不以身徇利
亦不以身犯難而遠避其害如躋九陵之高敬畏自守
事過則復常向之所喪不求而自得也億事未至而預
度之也九重之陵極言其高遠自二至四有艮象七日
陽復之期大約天運往復以七為節也程傳卦位有六
七乃更始事既終時既易也亦通○本義億字未詳九

陵七日之象未詳干贊謂億數離楊氏備以此爻爲太
王避狄遷岐他日與周之象○王弼謂犯逆受戮行无
所舍物莫之納必困于窮困不過七日謬矣

象曰震來厲乘剛也

胡氏炳文曰屯六二豫六五噬嗑六二困六三震六二
皆言乘剛惟困六三乘坎之中爻其餘皆乘震之初也
按震初震動至剛故乘之多危

六三震蘇蘓震行无眚

陰柔不中正震至三而懼甚有蘇蘓然精神渙散之象
惟因其震懼而改其不正而力行其正則憂患之中有
生道焉故无眚○鄭康成曰蘇蘓不安也傳義皆謂緩
散自失之狀

象曰震蘇蘓位不當也

九四震遂泥

釋文泥乃計反荀本遂作隊泥音乃低反

四本上震之主但以陽居陰不中不正已失其震動之本又陷于上下四陰之間勢不能動此剛德不足又泥滯于陰柔之私而不能恐懼奮發者也泥滯溺也遂者不反之謂項氏安世謂九四以一陽動于四陰之中則震變成坎震而遂陷于泥也

象曰震遂泥未光也

陽剛震動道本光亨泥于陰則未光譬之使反也

六五震往來厲億无喪有事

一震方往一震復來而六五以柔為之君是往來皆厲無時而不危也國家多難之象然得位得中則能小心

翼翼脩其政事和民事神者故億度之雖危而无喪但
當益脩其所有事而已事社稷人民之事而祭祀爲重
无喪有事卽不喪匕鬯之意程傳當億度无喪失其所
有之事事謂中德謂圖慮求不失中也亦通王弼謂往
則无應來則柔剛畧通○二來厲有喪五往來皆厲而
反无喪君之危難多于臣君之權勢亦重于臣也卦本
以動爲主而位則以五爲主五卽長子之正位也初爲
青宮五爲正位○項氏安世曰二五之厲卽震之恐懼
也二五之億卽震之脩省也

象曰震往來厲危行也其事在中大无喪也

以中德爲事則大无喪誠敬之至絕无喪失也

上六震索索視矍矍征凶震不于其躬于其鄰无咎婚媾

有言

釋文視如字徐市至反
巽巽俱轉反徐許轉反

震極道窮以陰柔不中處之志氣盡喪驚顧傍徨無
可解以此而行其凶必矣惟于震未及躬而于其憐之
時先知警戒自脩可无大咎然亦不免于詬厲矣事至
震終雖懼无益聖人教以當戒于震鄰之先示人避凶
之計至深切矣索消索也巽驚顧也索而又索巽而又
巽懼又甚于蘇蘓三居一震之極懼甚而猶可行上居
兩震之極懼極并不可行故凶婚媾親屬亦有責言乃
懼之小者

象曰震索索中未得也雖凶无咎畏鄰戒也

龔氏煥謂中未得者處震之極志氣消索中無所主也

○程傳所以恐懼自失如此以未得中道也亦通○畏

鄰戒而早知修省雖凶无咎

☱☱ 艮上

艮其背不獲其身行其庭不見其人无咎

釋文背必內反徐甫載反

井鼎言養人之道震艮言脩己之道震是誠意工夫動
即有懼戒懼慎獨之事也艮是正心工夫止必得所精
一執中之事也艮止之學視震動為尤深陽進至三而
止一陽止于上二陰不得上行有存誠閉邪之義重艮
以上爻為主一陽橫亘于上有背之象人一身皆動惟
背不動故取當止而止之義曰艮其背心止其所而不
妄動則耳目口鼻皆不得逐欲而妄動故曰不獲其身
已私不行靜中之止也由是而行事幾萬變而心理不
變不為威阻不為利回如行于庭除有人之地而不見

有人外物不攖動中之止也靜止動亦止內不徇已外不徇物止于至善之地而不遷也此學問之極功也彖從全象取義上艮爲身下艮爲人止于上爻之上則四五兩陰不得動是不獲其身但見九三爲下艮之背而初二爲面不可見是不見其人以艮其背一句爲主下三句皆艮背之功效○李鼎祚謂艮爲門闕兩門之間庭中之象

彖曰艮止也時止則止時行則行動靜不失其時其道光明

艮雖主乎止有止卽有行時止卽時行動靜不失其時是常止其所也常止則其體篤實篤實則其道光明時止卽艮背時行卽行庭本義時止而止止也時行而行

亦止也朱子語類問艮之象何以爲光明曰定則明凡人胸次煩擾則愈見昏昧中有定止則自然光明莊子所謂泰宇定而天光發是也

艮其止止其所也上下敵應不相與也是以不獲其身行其庭不見其人无咎也

釋文應應對之應又音膺

背乃一身當止之所陽止于上陰止于下爲艮其背是念念事事皆止于當止之所也又上下二體陰陽相敵而不相與亦艮背之義止其所故不獲其身上下不相與故行其庭不見其人八純之卦皆上下不相與而于艮止之義獨切虞翻謂止其所兩象各止其所項氏安世曰卦辭爲艮其背傳爲艮其止晁氏說之曰傳亦當爲艮其背自王弼以前無艮止之說今案古文背字爲

比有誤爲止之理諸家皆謂易有爲止明背即止也亦
通

象曰兼山艮君子以思不出其位

兼兩之山有各安其位止而又止之象與履澤隨風雨
體相資者不同凡一人一事一物皆有其位君子隨其
所處必思盡其當然之理而止無一念溢有位外亦如
山之止于本位也思最易越稍有不覺即出位矣不出位即
事止其所矣此艮背之要功也時止時行皆是不出又
與致虛守寂者不同程傳若當行而止當速而久或過
或不及皆出其位也况踰分乎

初六艮其趾无咎利永貞

釋文趾如
字苟作止

凡事之始當止則止不可操動以取凶咎故曰艮其趾

无咎又恐陰柔不能固守故戒以利承貞艮雖以止爲主然止必在初心先止于其所也凡止皆在事前直貫至事後徹始徹終承貞也爻辭已舉一卦之義

象曰艮其趾未失正也

未動先知止則未失事之正理所以无咎

六二艮其腓不拯其隨其心不快

釋文腓符非反本又作肥義與咸卦同承音拯

卷之

艮與咸卦皆取象人身二爲腓艮在下體中正則能止其腓矣然九三爲下體之主二所隨也三過剛不中止非其所而二柔弱不能救其失故其心不快此止之不及者柔順之人隨剛愎之長上終難免失正之累未能不見其人也

象曰不拯其隨未退聽也

三剛愎不肯謙退聽從故止非其所二又不能不隨達心而懦也

九三艮其限列其夤厲薰心

釋文夤引夤反鄭本作夤徐又音肅荀作腎薰荀作動

腰膀爲人身上下之限列分峙也夤脊也俗謂夾脊骨三居上下體之間過剛不中未可止而止有艮其腰限不得屈伸之象上下判隔血氣不復流通則列絕其夤危厲不安如火熏燥其心也此止之太過者不當止而止告子不動心異端寂滅皆是不達乎理則動止皆失其宜必至決裂禮法敗壞名教而不可救故有列夤薰心之占止不可不及亦不可太過也馬融曰限要也又曰夤夾脊肉也○艮止重上震動重初三離下艮之

主然止于四陰之中猶震四之變成坎故厲限在心
脅之下然艮限未不上累心脅者故連及之非謂三
卽心脅也

象曰艮其限危薰心也

鄭汝諧曰三雖止而不與物交而其危則實薰心也

六四艮其身无咎

咸四以心言艮四以身言動由于心而止必驗諸身也
柔順得正能禁止其身不妄動于非體故无咎或問身
不妄動而僅得无咎何也六四不如上九之剛六五之
中德未盛也此原憲克伐怨欲不行之象可爲難未可
爲仁身雖不行而病根之在內者除不除未可知也積
而至九則盡除矣○程傳四大臣之位言止其身見

其不能止物似未合威民諸爻皆不泥君臣之位○艮
其身其止勉強而未化不獲其身其止自然而已化四
爲賢者之止上則聖者之止也虞翻曰身腹也胡氏瑗
曰人之體統而言之謂之一身分而言之則腰足兩上
謂之身四之身卽腹心之象

象曰艮其身止諸躬也

王氏應麟曰偃背爲躬見背而不見而朱文公詩曰反
躬及其背懸綬卦體原是偃背之躬但以上爲背四爲
腹心皆可稱躬腹心有意于止背則無意自止學問殘
弊之異也○王弼注自止其躬不勞全體

六五艮其輔言有序悔亡

後李氏本
作序

咸以上六爲輔艮以六五爲輔陰虛象口輔也柔中故

能艮其輔而不妄言言皆中節而有序則以陰居陽之
悔亦可亡此謹言慎行之君子孔子所謂言寡尤行寡
悔也○艮輔非不言時然後言也

象曰艮其輔以中正也

以中得正故言不妄發又本義正字誤文叶韻可見

上九敦艮吉

兼山之上其體敦厚陽剛堅實居止之終是止于至善
厚重不遷所謂安汝止者也盛德之至也六爻惟此爲
吉此爻正合艮背之義上爲首連背之象人之最厚處
也愚按咸象人之仰陰虛故口在上艮象人之俯陽實
故背反在上口反向下王伯厚所謂見背不見面是也
○項氏安世曰上九與三相類皆一卦之主也然九三

當上下之交時不可止而止故危上九當全卦之極時
可止而止故吉

象曰敦艮之吉以厚終也

卦象爻義皆敦厚篤實之至以此爲止之終盛德光輝
發越于上吉之至也敦臨敦復皆取坤之厚敦艮重山
之厚亦無異于坤

䷳ 艮上

漸女歸吉利貞

先止後巽不遽進也山上之木漸進漸高事之漸而有
序皆此象也而惟女歸之禮尤其重大而著明者凡事
如此則吉也漸而非正爲管滋甚又必利貞自二至五
位皆得正故也○咸取女吉漸女歸吉皆男先于女惟

歸妹女先于男則凶矣漸女長于男歸之緩者亦漸之
故咸利于情之正漸利于禮之正皆以先知止爲主

象曰漸之進也女歸吉也

釋文王肅本作
女歸吉利貞

晉直訓進漸本不訓進故曰漸之進也乃女歸之吉也
兩也字緊相呼應見女歸必以漸又凡事當如女歸之
漸又人多失漸進之道惟女歸必以漸故舉以爲例本
義之字疑衍或是漸字似不必泥

進得位往有功也進以正可以正邦也

卦自二至五陰陽皆得正位人能漸進而得位則有功
矣能漸進以正道則可以正邦矣此釋利貞之義有功
正邦卽女歸之吉○蹇漸中四爻得正位皆曰正邦家
人中四爻得正位曰正家蹇君臣正家人夫婦正漸則

君臣夫婦皆正也

其位剛得中也

又言得位而最尊最重者九五之剛得中也君以漸正天下天下日進于治平蓋有功正邦又以五為主也止而巽動不窮也

又言卦德內止則無欲外巽則理順无欲而理順則无躁妄之失動以漸進而道不窮矣極言漸道之善也○吳氏曰慎曰止而巽終是進但進以漸故卦名為漸若巽而止則終于止而事壞亂矣故卦名為漸

象曰山上有木漸君子以居賢德善俗

釋文王肅作善風俗

山上有木山以漸而升木以漸而長脩德于內化俗于外皆非一朝一夕所可幾也居守也積也本義疑賢字

衍或善下有脫字馮氏當可曰體良以居德體巽以善俗○程傳居賢善之德侯果曰賢者德成之名德是資賢之實或謂賢德卽繫辭所謂賢人之德亦通

初六鴻漸于干小子厲有言无咎

漸六爻皆取象于鴻以其知時有序且合女歸之儀也鴻水鳥自下而上故初爲干干岸也柔在下无應如鴻始進水涯未得所安大人安貧樂道處下无危小子不知貧賤之可安則心懷危厲不能無言然在止之體當漸之時終无躁進之咎虞翻曰良爲小子○婚媾有言主人有言皆人言也此爻直云有言與困之有言不信皆自言也

象曰小子之厲義无咎也

小子雖懷危厲然未失漸進之義則无咎也

六二鴻漸于磐飲食衍衍吉

由干漸進而磐得所安矣磐岸上大石安固而平者也

六二柔順中正上應九五賢者進而在位受祿不誣飲

食和樂衍衍自得得時行道之吉占也艮為石馬融曰

山中石磬紆故稱磐衍衍饒衍也

象曰飲食衍衍不素飽也

二乃進得位有功者中正和樂非素餐之比

九三鴻漸于陸夫征不復婦孕不育凶利禦寇釋文孕以
陸反映文

戈既反荀作乘利禦寇
案史徵本利有用字

高平曰陸由磐進而至陸非水鳥所安九三過剛不中

居下之上又無正應必有不安其位妄動苟合失漸之

道者故有夫征不復婦孕不育之凶此皆已之私物之
誘爲之寇害以致失道三本艮止之主若能利用其過剛
以禦止已私物誘之害反身循理則合于漸道而利矣
動不以正則夫婦皆凶三本艮男夫征不復是實象三
无應本无婦設言三如有婦亦孕而不育是虛象不必
指其爻以實之以丈夫占此爻則不復以婦人占此爻
則不育非漸之正無不凶者動之禦寇所以救其凶本
義以其過剛也故利禦寇馬融曰山上高平曰陸○程
傳以四爲三婦楊氏簡以上爲三夫亦通○蒙上九利
禦寇止人之惡漸九三利禦寇止已之惡皆取艮剛能
止也

象曰夫征不復離羣醜也婦孕不育失其道也利用禦寇

順相保也按李氏本

離羣醜諸爻皆漸三獨失漸之正婦亦失道故不育順道相保夫正則婦亦正也羣醜即羣類○程傳離判其羣類爲可醜亦通順或亦通作慎

六四鴻漸于木或得其桷无咎

四入巽體漸進至木鴻趾遠不木棲桷則不安矣以柔乘剛之象然巽順得正以承九五高而不危如鴻得平柯而棲也故无咎桷平柯也虞翻曰桷椽也方者謂之桷馬陸皆曰椽也○漸六四進以漸大臣恭遜事上无僭逼之嫌異于晉九四之晉如鼫鼠故无咎

象曰或得其桷順以巽也

順正處巽未失漸道故得桷四亦進得位者

九五鴻漸于陸婦三歲不孕終莫之勝吉

大阜曰陵以喻尊位五以二爲婦以在陵之鴻下應在
若之鴻勢難聯合自二至五凡歷三位間以三四故有
婦三歲不孕之象然以漸而進正應必合終莫之勝而
吉蓋五剛中之君與二柔中之臣相應賢臣不輕進又
有三四譏邪蔽之阻之故久而不用然五之中正求賢
有誠二之中正德必上孚雖有譏邪終莫之勝君臣相
遇治功乃成如婦之歸夫而成孕育之功故吉凡君臣
夫婦正應相從皆有此漸而不驟之象乃卦之正義非
謂二五爻德未優也凡事之有漸可推矣○三之婦孕
不育合而非正無漸故凶五之三歲不孕正而未合有
漸故終吉按陸績謂陵卑于陸王弼曰陵次陸者也

象曰終莫之勝吉得所願也

讓邪不能勝正得漸進之願

上九鴻漸于陸其羽可用爲儀吉

陸字當有誤以五之陵推之當又高于陵矣鴻既漸進至于極高人皆仰望以其羽毛可爲旌旗之儀飾也賢者雖不處君臣之正位而其德之高遠爲民師表亦猶是也故吉晉升之上皆患其過高而漸之上不患其過高進有序則高以下爲基所謂極高明而道中庸也可爲法則矣○本義胡氏程氏皆云陸當作達謂雲路也今以韻讀之良是孔氏穎達曰上九與三皆處卦上故並稱陸或謂五尊位爲陵上无位復降稱陸未知孰是象曰其羽可用爲儀吉不可亂也

積漸而高高有實用德性堅定而不可亂進無序則亂
行過高則亂志自滿則亂上九皆无之○胡氏炳文曰
二居有用之位有益于人之國家而非素飽者上在无
用之地亦足爲人之儀表而非无用者士大夫之出處
于此當有取焉按漸之義至廣然其大者莫如賢臣之
事君賢女之歸夫士之居德上之善俗而凡人之相與
事之相承莫不有合于六爻之序或謂漸與歸妹反對
六爻皆以女歸言初幼穉之女二賢婦得所者三失道
之婦四巽順之婦五賢婦始睽而終合上婦老而賢在
事外者確有此理然引而伸之爲夫爲臣爲君爲友象
皆可通故爻中或言君臣或言夫婦總是一箇影子舉
一例百非泥于一人一事也凡卦辭爻辭皆作如是觀

三三兌下
震上

歸妹征凶无攸利

妹少女之稱少女長男非其正偶而女先于男以說而動故不曰妹歸而曰歸妹不待取而自歸也凡事縱欲敗度皆此象也占者當禁止而不行行則必凶無論事之大小一无所利深戒之也

象曰歸妹天地之大義也天地不交而萬物不與歸妹人之終始也

他卦皆先釋象而後推論其義歸妹則先推論其義而後釋象夫子見得女之歸男如天地氣合而生萬物原是天地之大義養女得所終生子由是始亦人道所當然但天理人欲相差只在毫釐一毫不正凶即隨之人

當知其正義而固守之則歸妹亦無不利此亦文王言
外之意與姤之天地相遇品物咸章同

說以動所歸妹也征凶位不當也无攸利柔乘剛也釋文

妹也本或作所以歸妹

說以動所以歸妹欲勝也所歸者妹非正也又及自二
至五皆不得正與漸相反有事事越禮之象又三五皆
以柔乘剛有妾婦乘夫淫邪瀆亂之象雖分釋征凶无
攸利而意實相承非專以位不當為凶

象曰澤上有雷歸妹君子以永終知敝

澤上有雷少女說于內而後長男動于外合不以正之
象也君子凡事之始必思永保其終即其始之不正而
知其終必有敝壞不可永保不得不慎也天下苟合者

必不終不知敵故也○歸妹大象取少女長男不必泥于雷澤程傳雷動于上澤隨而動與說以動先後之序不合

初九歸妹以娣跛能履征吉

卦以歸妹喻不正之象六爻不論陰陽俱作歸妹看兌之初爻在卦之下最少最賤而无正應娣象也娣而有剛正之德則賢矣娣雖賢僅能助嫡不能有爲如偏跛之足僅能步履而不及遠也卦辭歸妹征凶初謂征吉者者娣隨嫡行不取而歸乃其正也孔氏穎達曰征吉者少長非偶爲妻而行則凶爲娣而行則吉此微賤之士盡力事長循分而行皆正而吉者也

象曰歸妹以娣以恆也跛能履吉相承也

初在下爲娣乃其常娣有陽德亦其常相承之吉佐女君也

九二眇能視利幽人之貞

剛中在女爲賢上應六五之柔是夫之失道者夫婦正而後家道成婦雖獨正如眇一目能視而不及遠矣衛莊姜之賢不見答于莊公猶思古人俾無說利幽人之貞也凡賢者不遇知己幽靜之中獨行其正雖不能效功當世亦有守道潔身之利也推而言之人之生死離合獨居矢節者皆幽人也或謂幽人幽囚之人後世廢后幽于別宮之象亦通○履九二幽人爲貞士歸妹九二幽人爲貞女歸妹初九跛能履九二眇能視能字實履六三眇能視跛能履能字虛陽實陰虛也初跛取偏

側之義二眇取非偶之義

象曰利幽人之貞未變常也

夫雖無常而婦未變常一與之齊終身不改幽人之貞也初以恆二未變皆陽剛之德

六三歸妹以須反歸以娣

釋文須有陸作媼

六三兌說之主陰柔不中不正居下之上本貴女也以其失德則賤之故稱須以須歸人人惡其賤反歸母家人莫之取惟有降于娣媵而已三無正應故亦為娣陸氏希聲曰在天文繼女為貴須女為賤○程傳須待也待者未有所適也按反歸是已適而大歸則非未適也初為娣其分也三為媵則辱甚矣

象曰歸妹以須未當也

未當卽失德

九四歸妹愆期遲歸有時

釋文遲歸與反
一音直與反

歸妹句愆期句遲歸句有時句陽在上體女貴且賢以
爻之先後言四又有過期之象愆期而无應賢女擇配
不輕從人必待可歸之人而後行也然賢淑著聞嘉耦
必合歸亦有時不終困窮也禮女子二十而嫁過此為
愆期遲待也此君子抱道自重出處不苟時至乃出之
象交際亦然○六三不擇人而從之故見棄而反九四
擇人而後從故有時而歸

象曰愆期之志有待而行也

釋文有待而行
也一本待作時

志不苟合故有待而行愆期不為過

六五帝乙歸妹其君之袂不如其娣之袂良月幾望吉

釋文

幾音機又音
祁荀作既

柔中女賢居五極貴下應九二之剛故有帝女下降之
象卦以少女從長男則不正爻以長兄嫁少妹則得正
帝乙震長男歸妹兌少女舉全象言爲一卦之主也陰
德既盛不挾貴不尙容飾思逮其下帝乙之妹實有此
事故舉君袂娣袂一端以實之月盈則虧幾望則盈而
不極其盈女德先以加矣故吉君女君也此在上而能
恭儉之象○就二論以六五爲夫則柔非夫道就五論
以九二爲夫則夫剛婦柔皆得其正陰陽夫婦本無定
位也又五爲女君則二四諸爻皆有娣象五陰而二四
皆陽是不如娣之盛飾也○泰六五帝乙歸妹朱子以
爲當時占得此爻程子以爲王姬下嫁自古皆然至帝

乙而後正婚媾之禮明男女之分故易中陰尊而陽降者則曰帝乙歸妹憑謂帝乙之妹貴而有婦德故泰五取以喻上下交之象耳歸妹亦然

象曰帝乙歸妹不如其梯之袂良也其位在中以貴行也言帝乙歸妹實有不如其梯之良者蓋五位在中以中德之貴而行故不尚文飾或謂五以至貴而行中道亦

通

上六女承匡无實士刳羊无血无攸利

釋文承匡自作匡對皆圭反一自工

反惠

歸妹之終柔而无應女與人約婚而不終者也昏禮納徵用幣承之以篚今也女承篚而无實則昏禮不成而士亦不得割牲生白廟以圖是事故刳羊而无血不果割

也凡事不正其始終必无成一无所利與彖辭同戒占者務正其始以結一卦之義士女未成夫婦之稱先女女爲主罪在女此正義也但夫婦已昏不終者亦賤焉大夫行禮用少牢胡氏炳文曰震有虛筐之象兌羊象上與三皆陰虛无應故有承筐无實封羊无血之象○程傳以爲婦不能奉祭祀就已昏言亦通

象曰上六无實承虛筐也

專釋无實上六卽是女

三三

離下震上

豐亨王假之勿憂宜日中

釋文豐芳忠反林四忠反假與白反至也馬古雅反

火與雷合勢最盛大故卦以豐名盛大之時自有亨道惟王者均平萬國茂育群生爲能至于豐亨之極固足

樂矣然盛極則當衰樂極則生憂而占者于此又不可徒憂也致豐之本在明治豐之道亦在明宜大明其德盛而不過常如日中之照臨天下則豐可長保矣聖人戒人勿憂正深于憂者也

彖曰豐大也明以動故豐

以卦德釋豐亨凡事明于理勢以震動奮發則日起有功必至盛大又能亨通也

王假之尚大也勿憂宜日中宜照天下也

盛德大業王者所尚故能至于豐亨之極照天下言其德之明周徧而恆久保豐之要也

日中則昃月盈則食天地盈虛與時消息而況于人乎况

于鬼神乎

釋文昃吳孟作稷食或作蝕非

卦所以言日中者蓋以日中則昃月盈則食乃天地消
盈息虛氣運循環盛極必衰一定之理故人君之心不
敢自謂已盛常如日之未中益致其明不使之盈自無
所消不過于中乃不至昃是宜日中之義也

象曰雷電皆至豐君子以折獄致刑

雷電天之刑也折獄取電之明致刑取雷之威噓嗑先

威後明王者立法之象豐先明後威士師決獄之象本

義取其威照並行之象王弼注文明以動不失情理也

初九遇其配主雖旬无咎往有尙釋文配主作如旬如字王肅尙純反或音唇苟

作均劉
晒作鈞

豐之初言致豐之道初以明體配四動體明足以照動

足以行豐所由致也故曰遇其配主雖旬无咎配主四

也十日曰旬自豐初以至豐終有旬象旬則盈矣豐道
既成民食其福雖歷豐之旬內皆得无咎明動之效也
占者往而與四同心致治則有功可尙即象辭豐亨之
義此以明動相資言故初雖在下四非正應而亦宜往
○傳義旬均也初四均爲陽爻亦通
象曰雖旬无咎過旬災也

過盈則災初未至日中先示過中之戒也

六二豐其蔀日中見斗往得疑疾有孚發若吉

蔀文音 蔀王虞同

蔀戶反王肅音蔀反蔀
時作苦見斗孟作見主

二以離之主處豐之中文明中正日中之象也然上遇
六五柔暗之君爲大障蔽則日中反暗而見斗矣暗主
不下求賢而賢臣往而事之必反見疑惟積我之至誠

以感發上之志意去其昏蔽乃能用賢治豐而吉卦降
蔽也豐卦指五處豐則君心易驕故多蔽見斗則天下
皆為所蔽矣二五不相應故往見疑然非二之至明無
以發五之暗賢臣竭誠以用其明乃能開悟暗主故以
此責備六二五居動體而得中尚可啟發故吉○疑疾
只是疑程傳謂猜疑息疾亦通○又虞翻謂日蔽雲中
稱蔽○九四剛則明故初往有尚六五柔則暗故二往
見疑

象曰有孚發若信以發志也

程傳謂以已之孚信感發上之心志

九三豐其沛日中見沫折其右肱无咎

謂文海本豐作折
謂地慢又普貝反

王虞豐蓋反又補賴反徐普蓋反于夏作沛鄭于作章沫
徐武盜反又亡對反微味之光也字林作昧亡太反云斗

神後星舞作
味眩姚作股

三以剛正處明極而應上六之柔暗不中其蔽更甚于
五故有豐沛見沫之象上之暗極終不可發而三亦如
人之折其右肱終不可用矣然三之賢明而不見用乃
上之咎非三之咎也虞翻曰在雲下稱沛沛不明也沫
小星九家易大暗謂之沛沫斗杓後小星也程傳沛古
本有作旆者王弼以爲旆幔沫星之微小無名數者○
豐之初象日出上象日入中四爻皆有日中之象故二
三四皆稱日中五來章亦日中之義

象曰豐其沛不可大事也折其右肱終不可用也

治豐本大事三應上蔽甚何以治豐

九四豐其沛日中見斗遇其夷主吉

四居大臣之位當豐之時而遇暗主豐部見斗之象與
六一同然二之文明中正足以啟發暗主而四不中正
無以成格心之功四又自豐其部矣惟下就等夷之初
九以動從明則動而鮮過亦可補苴罅漏而得吉也然
其功亦小矣初四皆陽故稱夷一明一動迭爲賓主大
臣折節下士之義鄭氏汝諧曰初視四爲配以下偶上
也四視初爲夷以上親下也

象曰豐其部位不當也日中見斗幽不明也遷其夷主吉
行也

項氏安世曰六一指六五爲部爲斗故往則入于闇而
得疑九四之部與斗皆自指也故行則遇明而得吉

六五來章有慶譽吉

五雖柔暗不足以治豐然下體三爻皆明體六二又加
中正九四動而從明皆賢臣也苟能招來賢明之臣而
用之則有豐亨之慶且有知臨之譽而吉矣蓋人君不
恃一己之明而合天下之明以爲明則明無不照動罔
不臧所謂王假之宜日中者此也來章則柔暗非所慮
况英明之主乎此聖人開示人主之切五若不能來章
則與上六同凶此又聖人言外之意不可不知○賢臣
不宜躓進故戒二以往疑人主當急進賢故勉五以來
章

象曰六五之吉有慶也

程傳人君雖柔暗若能用賢才則可爲天下之福

上六豐其屋蔀其家闕其戶闕其死人三歲不覿凶

按說
文豐

其屋字作豐云大屋也闕苦鷄反徐苦
隨反一音苦該反桃作闕孟作望並通

居上暗極去明最遠與明夷上爻相似豐極則騷動終
則躁故有豐大其屋自蔽其家之象陽盈之氣必生昏
蔽也闕戶無人陷溺愈深也三歲不覿終身不悟也自
古敗國亡家皆由自恃其豐素明用暗以致凶禍可不
戒哉若能如六五之來章亦可救敗馬鄭曰闕死人貌
○干寶謂豐屋蓋紀紂之侈造瑤宮玉臺謂其家者紂
多傾宮之女也三年而後亡國畧通○五柔而得中故
來章而吉上柔而不中故豐屋而凶知日中之義則爲
三之來章不知日中之義則爲上之豐屋兩爻之義互
相發在人之自取耳

象曰豐其屋天際翔也闕其戶闕其無人自藏也

釋文翔
闕王肅

作禱按李鼎祚本亦作禱
藏如字衆家作戕慈羊反

屋高大極天無所不蔽深自蔽藏人不得而啟發之此
居上亢極自絕于人者故深責之

三三艮下
離上

旅小亨旅貞吉

火在山上過而不留羈旅之象又山止于下爲居火炎
于上爲人野燒延緣人去所居之象故稱旅焉以卦德
及六五爻德觀之則處旅而能亨得旅之正者也但旅
則親寡而時暫其亨亦小亨耳然旅之亨雖小而處之
必得其正乃吉不可以其暫而忽之也重言旅者旅自
有旅之貞旅之吉也

象曰旅小亨柔得中乎外而順乎剛止而麗乎明是以小

亨旅貞吉也旅之時義大矣哉

旅道以柔爲主六五柔中在外卦而順乎上下之剛卦德內則心止于理而外又明于事勢之宜皆處旅之正道故以小亨貞吉總釋之丈夫經營四方爲旅之時居多處旅難于居家故其亨雖小而其時之義則大聖人恐人以旅爲小道故特稱其大錢氏一本曰或以旅與或以旅喪所關甚大

象曰山上有火旅君子以明慎用刑而不留獄

火在山上明无不照君子象之以用刑明察如火慎重如山不留獄如旅明而不慎慎而留獄皆足以害民三者不可缺一大訟曰獄不留者急爲斷決不使良善久受陷害也易中治獄之卦皆以明爲主此又言慎言不

留義之盡仁之至也

初六旅瑣瑣斯其所取災

釋文瑣瑣或作瑣字者非也

爻有二義旅之初通論羈旅之人鄙瑣已甚皆足以取災一義也又初六陰柔無知無能處下則為人役居初則少不更事始為旅人失旅之道鄙猥瑣細无所不至此其所以受侮而取災也二義也瑣瑣鄙細也九四離火炎上處旅失位不足為應援故有災○按斯亦訓僕王弼注斯賤之役亦通但斯其二字連用似應從程傳作虛活字

象曰旅瑣瑣志窮災也

志意局促鄙陋之極所以取災

六二旅即次懷其資得童僕貞

釋文懷其資本或作懷其資斧非

爻亦有二義旅六爻不分君臣而分主僕初二在下有
童僕之象六二柔順中正童僕之貞良者也故奉其主
之使令爲旅于外則就其次舍而得所安懷其資財而
無所失是忠于主事而得童僕之正者也童僕微甚故
不言吉亨盡其分而已此正義也又凡爲旅者能柔順
中正則卽次而安懷資而裕又得童僕之貞良者以爲
從衛亦可免于災厲矣二以初爲童僕此又一義也○
按二居下體凡年少位卑能任尊長之事者皆合于童
僕之貞少則稱童卑則稱僕不專指童僕而童僕亦在
其中蓋人有十等對上言則二亦童僕之類對下言則
二又自有童僕孤旅之中爲下盡童僕之道爲上得童
僕之心總不外柔順中正而已○二直云得童僕貞童

僕當指自己言三云喪其童僕多一其字童僕當指他人言李鼎祚謂六二履正體良良爲闕寺童僕貞之象也

象曰得童僕貞終无尤也

柔中處下得童僕之正故終无尤之者童僕在旅中最難得正也又旅人尤賴童僕得其忠貞則卽次懷資亦終无尤悔矣

九三旅焚其次喪其童僕貞厲

亦有二義居下之上則三爲主以初爲童二爲僕過剛不中矜高凌物處旅而人不與故焚其次下不堪其暴故喪其童僕如此則雖正亦危此正義也又對上體言則三乃童僕之長貴勢之家豪猾之僕奉使于外剛暴

無禮身無所容敗其主事是失童僕之貞者此又一義也三上近離體故焚三體剛用剛與六二俱相反焚次則喪資可知本義貞字連下句讀程傳貞字連上句讀俱通

象曰旅焚其次亦以傷矣以旅與下其義喪也

以旅之時過于剛暴與下之道如此宜喪童僕非童僕之不善也王氏宗傳謂三以旅人視其下故童僕亦以旅人視其上亦通

九四旅于處得其資斧我心不快

釋文資斧于夏傳及象旅作齊斧其喜志林

云齊當作齊

富商大賈久處于外之象故曰于處與即次之暫異體

剛用柔居上之下亦得處旅之宜故得資以爲用得斧

以自防然久居于外又操利權亦欲得爵位而居之無
如處族失位其心豈能快足哉四在他卦爲大臣之位
而族惟五始受爵命四不得位多得財用而已○族與
家人之義相對上卦皆有富貴之象家人之四富在
家卿相之第宅也族之四富在外商賈之僑居也古制
賈人不得推選故心不快家人之五王者齊家之事貴
之極也族之五士人入官之事貴之始也族之亨所以
小也○四之德雖不及六二而其地高于二其勢厚于
二故於處久于卽次得資多于懷資四在上體全平主
象而二有僕象故也○李鼎祚謂四五兌巽兌爲金巽
爲木木貴于金卽資斧斫除荆棘者也王弼以爲用斧
斫除荆棘以安其舍畧通又張軌謂齊斧蓋黃鉞斧非

象曰旅于處未得位也得其資斧心未快也

六五射雉一矢亡終以譽命

文明柔順而得中旅之最善而貴者也為士人選舉入朝之象如射文明之雉雖不免一矢之亡而所失不多終得友朋之譽受君上之命譽命在終則其始亦旅人耳五以離之主為一卦之主象之小子貞吉皆指此雉為雉五得文明之德以處旅捨射雉而得之也一矢言其易程傳人君無旅故不取君議○士以雉為資出疆必載資將以見君也旅必有資亡矢之象程傳如射雉一矢而亡之亡指雉言不如本義長

象曰終以譽命上遠也

無次處音代
一音大計反

逮及也五之譽聞于君而君之命加于五是上下相及

也○胡氏瑛謂五為上九所信非是

上九鳥焚其巢旅人先笑後號喪牛于易凶

釋文于易凶以疏反

王肅音亦

過剛不中處上亢極旅之不善莫甚于此其象為鳥焚其巢離上鳥也最高而危者巢也離火焚之鳥失其居身亦喪矣其占為旅人以剛上人其先快意而笑其後人人其疾无所安身而號號皆由暴躁輕易喪其柔順之德自取凶禍無可解免此爻先象後占如詩之先比後賦○剛在下卦之上已焚其次剛在上卦之上遂焚其巢次所舍也巢所居也三有厲而上則凶矣驕亢愈甚也虞翻曰離為鳥為火巽為木為高

象曰以旅在上其義焚也喪牛于易終莫之聞也

釋文其義焚也

一本作宜其焚也喪牛之凶本亦作喪牛于易

旅宜下人以旅而好在人上宜其有焚巢之凶暴戾恣睢終不自悟雖有凶危人亦不告之故終莫之聞

巽上

巽小亨利有攸往利見大人

按說文易巽卦為長女為風字作巽

柔而善入者巽之本體亨而曰小者主乎陰言也然推巽道以往則士之潛心入理君子之教澤入人皆天下之利故又曰利有攸往巽之往又以陽剛中正為歸使天下之人皆入于剛正不入于陰邪故又曰利見大人大人指九五本義以陰從陽故又利有攸往然必知所從乃得其正故又曰利見大人按巽雖取陰入陽下之象而其大意則以陽剛中正之德為本柔而善入為

用諸說或專主陰入或專主陽入俱失之偏又程傳謂
巽與兌皆剛中正巽說義亦相類而兌則亨巽乃小亨
者兌柔在外用柔也巽柔在內性柔也巽之亨所以小
也愚謂巽之微陰柔天之風君之令皆能入者若專恃
風聲號令以爲入則小矣小畜之懿文德亦小亨之義
也然推本于造化之原道德之大而論則風與令之用
小中亦見大矣

彖曰重巽以申命

巽順也入也以卦德言巽而又巽人主法之以申命命
者順而入乎民心者也一巽爲命故巽重爲申命申者
丁寧反覆之謂

剛巽乎中正而志行柔皆順乎剛是以小亨利有攸往利

見大人

陽剛入居五位中正所施皆當而志行是君之巽初四柔爻皆順二五之剛是臣民之巽皆于申命中見之是以二字總釋彖詞與旅象傳同陸績謂二得中五得正故曰剛巽中正亦通○項氏安世以重巽句釋小亨剛巽乎中正句釋利有攸往柔皆順乎剛句釋利見大人亦通

象曰隨風巽君子以申命行事

風者天之號令也兩體皆巽風相隨而至無所不入君子象之以申重其命令而舉行其政事亦如風之善入也令出惟行先申後行故順而易入

初六進退利武人之貞

陰柔處下過于巽情欲進仍退不能振奮以從上之令
利用武人堅貞之志以進而赴功初无位之民卑巽其
分也但上有命令不可畏縮不前惟如武人之勇于從
令則卑巽而又能急公乃得爲下之正也又初爲巽之
主凡性柔而懦者皆當以果敢救其失亦巽初之通論
也

象曰進退志疑也利武人之貞志治也

志疑則進退不決志治則果決不亂

九二巽在牀下用史巫紛若吉无咎

牀下卑暗隱伏之地九二剛中處巽居初之上親民之
官能巽順乎卑隱之小民者由此申命行事如用史以
占卜又用巫以祈禱紛然不一所以導民者誠意懇到

如此民皆從其教命興起治功吉之道也牀下至卑初
象也二與初比以剛中之德深入民隱並非過于卑巽
與上之巽牀下迥異史巫皆通誠意于神明者二亦剛
巽乎中而志行者故其象如此宋衷曰巽爲木二陽在
上初陰在下故曰巽在牀下○本義又以爲祭祀之吉
占

象曰紛若之吉得中也

紛若卽反覆申命之象二之得中在此故吉

九三頻巽吝

過剛不中居下之上則不能巽然居兩巽之間又有頻
失頻巽之象巽而无恆必不能順理而入情故吝九二
以剛居柔而得中故不失其巽九三以剛居剛而不中

故屢失其巽頻巽猶頻復皆行之而不能守也○王弼
注頻蹙不樂非

象曰頻巽之吝志窮也

質本過剛欲爲巽而志慮有所不及屢失其巽志易窮
也故吝

六四悔亡田獲三品

以柔居柔无應而乘剛似乎過巽而有悔矣然得正而
居上之下上承九五陽剛中正之君剛柔相濟不嫌其
過巽故悔可亡四上巽乎五承流宣化下巽於民與利
除害如田獵有功而獲三品之多此柔正之大臣利見
剛中之大人以成申命行事之功者也三品者一爲乾
豆一爲賓客一爲君庖本義又爲卜田之吉占○初亦

巽之主然達于五失利見之義故六四獨得巽道之終
四至柔而能用武事除強暴成大功皆以承五得之初
在下承二僅利武人之貞而已王弼注雖以柔處剛而
依尊履正以斯行必能獲強暴遂不仁者也

象曰田獲三品有功也

九五貞吉悔亡无不利无初有終先庚三日後庚三日吉
上下皆巽不免柔廢之失卦體近柔獨賴九五陽剛中
正足以震起之柔廢于始故有悔有悔故无初然以五
剛中居尊得變更之正能振起治功故言而悔亡无不
利而有終也庚更也先庚後庚謹始慎終之意與先後
甲同皆所以申命行事也所謂變更之正如此重言吉
以美之○巽九五即震六五之變爻據震而復始甲者

十干之首象事之始故曰終則有始巽半履而卽更庚者十干之過中象事當更故曰无初有終命令出于五申之以先後庚更之慎猶治蠱也本義先庚三日爲丁後庚三日爲癸丁甯于未更之前揆度于已更之後亦通

象曰九五之吉位正中也

位正中故能得申命之貞而吉

上九巽在牀下喪其資斧貞凶

重巽之極本處上而反在牀下卑巽過甚矣陽失位而不中正盡失其剛斷之用事當更而不更勢必至蠱壞之極正乎凶也此爻專主巽極故失其剛凡遲疑不斷坐失事機者皆是與九五之吉相反○資斧古本作

齊斧齊物之斧也程傳資所有也斧所斷也○二居下體巽在牀下不爲過上九雖非尊位亦爲人所矜式者乃巽在牀下畏縮罷懦君相咨以政令不能棄贊決斷雖自以爲置身局外得諫退之正道然順而不持危而不扶其能免于凶乎

象曰巽在牀下上窮也喪其資斧正乎凶也

巽至上而窮極程傳巽本書行故疑之曰得爲正乎復斷之曰乃凶道也本義正乎凶言必凶俱通○六爻惟九五陽剛中正居尊得用巽之正故爻辭首冠以貞吉九二剛中六四以柔乘剛巽雖過而不過故二吉而四悔亡初本卑賤雖過于巽猶可勉以治志九三過剛不中不及乎巽故吝惟上巽極而凶以其優柔不斷也

以柔為義及則以剛濟焉故勸利武人四用武功三過剛僅止于吝上失剛獨見其凶也

三三兌下

兌亨利貞

坎水塞其下流則止而為海一陰見乎上澤氣上潤萬物之所說也說雖主乎外柔實本于內剛體剛用柔物无不說道無不亨然說而過柔則有邪媚之咎故戒以利貞二五剛中故能貞說而亨者以柔濟剛也利貞者以剛濟柔也

彖曰兌說也剛中而柔外說以利貞是以順乎天而應乎人說以先民民忘其勞說以犯難民忘其死說之大民勸

矣哉

補文先西厲反又如字

說易失正然剛正之道所以大亨者又在乎說故彖傳極言說之大先有剛實之德存于中然後有柔和之氣達于外此說之正而利者是以上順天理下應人心亨之至也勞苦患難之事民所最不說者君子剛而无虐和而不流得說之正以先說乎民民雖勞而忘其勞即以之犯難民雖死而忘其死此說道之大民無不鼓舞悅從者也故曰民勸王氏弼曰說而違剛則詔剛而違說則暴剛中而柔外所以說以利貞也

象曰麗澤兌君子以朋友講習

釋文麗
集作離

兩澤相麗相滋相益朋友相聚講習道義互相滋益之象說之至大至正雖過說而無害者惟講習之友耳然使所學不正而無益亦不足當此象虞氏翻曰兌兩口

相對故朋友講習蔡氏淵曰講兌象習重兌象按講習
就知言而亦兼行輔仁之益最大也

初九和兌吉

又有二義兌之始通論說之道必順理而和乃吉一義
也又初以陽居陽說而以剛正爲體無邪媚之嫌處下
則能巽无應則无私六爻中惟初不比于陰不諂不瀆
中節而和得說之正矣故吉二義也

象曰和兌之吉行未疑也

和說得正行之無疑不牽係于陰故也

九二孚兌吉悔亡

二比于六三之邪說宜有悔矣然剛中之德誠實于內
以實德爲說必不以非道爲說則小人不得而惑之無

失已之嫌故吉而悔亡使二之剛中稍有未孚難免悔厲也

象曰孚兌之吉信志也

以誠信爲志雖近于邪而不亂剛實爲信信中正也

六三來兌凶

爲內卦兌之主陰柔不中正處上下四陽之間小人左右逢迎專以邪媚來說人者也譏諂面諛傾覆邦家凶孰甚焉○傳義謂來說下二陽但下體二陽已過上體二陽方來四五君相尤三所譖說者似不專說下二陽總之小人見人便來說之又以說道招來人令人墮其術中是來兌之義也

象曰來兌之凶位不當也

位不當言陰柔不中正便是邪媚小人

九四商兌未寧介疾有喜

下比六三之邪說九剛則知其爲邪四柔則又暱于邪又上有中正之九五爲四所宜從故商其所說交戰于中未能自安聖人因戒占者分辨于邪正之介疾邪守正則不妄說小人而有以道事君之喜矣商兌由四之柔介疾因九之剛也傳義介然守正而嫉惡柔邪則有喜○王弼注介剛也三爲佞說將近至尊故四以剛德裁而隔之

象曰九四之喜有慶也

四處大臣之位喜其能遠小人則已有福慶而及人

九五孚于剝有厲

陽剛中正居尊德位並盛然在說體而遇上六說極之
小人尤易惑溺故聖人觀象而深戒之曰陰之說陽乃
剝陽者也五若孚信剝陽之小人則失其剛中之德不
安其位而有厲雖有賢聖之主必遠諂諛之臣乃能免
于危厲况中主乎聖人特下一剝字深明媚說之害小
人以小忠小信爲說亦似有可信者聖主知之而弗信
故不能爲害若不知而信任之則其禍烈矣聖人特下
一孚字見輕信之害○九二比三能亡其悔而九五比
上不免于厲者重兌之上說而又說說極且深人易信
之也然九五之剛中正未必盡信小人聖人惟恐其誤
信特深爲警戒使預杜其害亦夫九五覓陸夫決之意
象曰孚于剝位正當也

五位正當人所爭說已不及防與履九五同恐其傷于所恃養之正以戒之

上六引兌

說至上而極就已言則引之彌長就人言則牽引善誘已入于邪而不返人受其害而不知六三來兌已凶則引兌之更凶可知九五孚于上六且有厲則上之凶不待言矣非謂三有凶五有厲而上之說極反無凶厲也巽順兌說皆以陰爲用而制之以剛然巽之弊爲懦兌之弊爲邪兌又不如巽巽以陽居巽極且失其剛而凶兌以陰處說極而無剛制其凶必矣或謂引兌者言其當引九五之陽剛以制其說使不過柔故爻辭不言吉凶象詞止言未光畧通

象曰上六引兌未光也

以說為引曖昧不光亦承九五而終言之未光貼五說

亦可

☱☱ 坎下 巽上

渙亨王假有廟利涉大川利貞

釋文假與白反 梁武帝音賈

喜說則發散故兌繼以渙水上之物遇風則散渙之象也散者聚之存乎德行二五剛中三四柔順有君臣和衷足以聚渙之道故亨聚以精心假廟之象聚以眾力涉川之象心力所聚必出于正否則悖亂不經故戒之渙莫渙于祖考之精神故萃渙皆言假廟利貞之戒亦與萃同巽木乘坎水巽又為風故利涉假廟以通幽明利涉以濟險難皆由心力之正固有以聚其渙也非正

無以爲聚既聚又不可不正凡事皆然○渙與蠱相似
風在山下爲蠱風行水上爲渙蠱可幹渙可聚故皆有
亨道皆利涉大川蠱不任其壞渙不任其散易道所以
能成也

象曰渙亨剛來而不窮柔得位乎外而上同

釋文上如字
又時掌反

釋渙之所以亨內卦九二剛來得中外卦六四得位輔
五人心所以不終渙由良臣宣力于下大臣宣德于上
也一同字仍以五爲主虞翻云否四之二諸儒同

王假有廟王乃在中也利涉大川乘木有功也

假廟喻萃渙之誠本義在中謂廟中亦喻象九五得中故
能誠乘木有功仍是喻象但渙實有舟楫之象故制器
尙象舟楫取諸渙

象曰風行水上渙先王以亨于帝立廟

風行水上振蕩離散之象先王欲收離散之心以歸于誠一故有享帝立廟之禮仁人享帝孝子享親萃渙之道莫大于此中庸所謂明乎郊社之禮禘嘗之義治國如示諸掌則萃渙之事備矣立廟所以享親亦配上帝于明堂分說合說俱可虞翻謂受命之王收集散民上享天帝下立宗廟也

初六用拯馬壯吉

釋文拯猶義之類于夏傳折取也按說文引亦作折

用拯句馬壯句又有三義言未渙之先防其將渙而用力拯之如馬之壯健而疾速可不至于渙最吉之道一義也又拯渙之道如用壯馬皆可聚渙而得吉二義也又初為渙之始未甚渙散物易拯救初雖陰柔無才然

順從剛中之九二如用馬之壯以極其渙故言二爲壯
馬與初同體相比二能極而初用之也三義也程傳六
爻獨初不言渙者離散之勢辨之宜早方始而拯之則
不至于渙也

象曰初六之吉順也

拯渙于初順而易行又柔能順剛故得其力

九二渙奔其機悔亡

渙字句奔其機句二處渙時而无應人心離散則有悔
矣然剛中之德足以濟渙如機之憑以爲安九剛來居
二而得中如急奔就機能使已與人皆得所安其中安
固可以濟變而不窮故悔亡或謂機人所安也奔急去
也極渙者不可苟安苟安則有悔惟急去其懷安之心

則合于馬壯之義而悔亡矣或謂古文機軌盤通用駮
奔設盤卽假廟之事又車軌奔馳卽用拯馬壯之事說
皆有理姑存之○按先儒或以五爲機程傳從王弼以
初爲機俱未安本義九奔而二機蓋二卽中道也得中
能聚故安于象傳剛來不窮之義較合又本義謂以陽
居陰有悔程傳處險有悔亦通

象曰渙奔其機得願也

能拯人之渙得願而悔亡王氏宗傳曰五與王居于上
二奔其機于下各得所安所以能合天下之渙

六三渙其躬无悔

陰柔不中正无濟濟之才而有私已之失似宜有悔也
然渙諸爻惟三與上應則聚而未渙未渙則无悔以其

能換一己之私往與正應相聚也故曰換其躬又濟換
以二五剛中爲主三四皆居民上柔順之臣三上承九
五下比九二但能去其在躬之陰私則可相與以有成
故无悔陰本有私故以換躬勉之○荀爽謂三承上爲
志王弼謂與剛合志俱通○初二兩爻換未澤皆可力
拯以免乎換自三以上四爻換已深則當因換以濟換
換其所當換換其所以致換者則已換可復聚也○易
中六三最爲不德惟換之六三能與上九聚而不換有
守義相從不隨衆人俱散之象故以換躬无悔許之
象曰換其躬志在外也

志在外應上也或泛言濟人之換亦通

六四濟其羣元吉換有丘匪夷所思

釋文有丘疑作有
近匪夷而作匪弟

柔巽得正以承九五之剛中而下無像戀佐君濟渙之
賢相也人心之渙由于各懷偏黨之私大臣先自散其
私黨能使天下之人盡化其偏黨此元善而爲吉之實
者也人福知其能散小羣而不知其正以一天下之人
心聚爲一大羣以事我后其功用之大豈尋常想像所
可及哉邱者聚之高大者也此象傳柔得位乎外而上
同之事程傳方渙散之時用剛則不能使之懷附用柔
則不足爲之依歸四以巽順之正道轉剛中正之君君
臣合力剛柔相濟所以能濟渙○或謂邱卽邱頤之邱
高也指九五言渙散之中使人心皆知有君之尊而歸
之也在五稱王居在四則稱邱也亦通○虞翻謂互體
有艮稱邱

象曰渙其羣元吉光大也

以公滅私天下絕無比黨大臣功德光顯廣大之至也
九五渙汗其大號渙王居无咎

陽剛中正體巽居尊能散布其大號令德澤以救渙如
汗之由中達外出而不反渙于四體宜散疾病而使之
愈也故雖在渙之中而王者居其正位天下莫不歸向
无復渙散之咎民散復聚人君分內之事故四吉而五
止无咎渙王居渙字畧住玩象詞王居无咎可見本義
謂散其居積語氣甚順按大號中已包得散居積

象曰王居无咎正位也

正至尊之位以號令天下位在德元故能合天下之渙
上九渙其血去逖出无咎

渙其血句去逝出句血傷害也。渙極害消故渙其血陽剛在事外有去而遠出之象當出而出故无咎坎爲血上去坎遠又上與坎之三相應而不相害故渙血逝出也。○王弼注逝遠也。○傳義逝作惕與小畜六四血去惕出同朱氏震曰逝一本作惕然象曰遠害當從逝矣。○渙上與蠱上相似蠱壞渙散之世賢者不當事任或高尙深隱或遠出避害管卯在邊東逝出者與

象曰渙其血遠害也

遠釋逝項氏安世曰上九爻辭血與出韻叶皆三字成句小畜之血去惕出與此不同此血已散不假更去又惕與逝文義自殊又曰散其汗以去滯鬱散其血以遠傷害按散汗散血亦有去疾之義凡當散而散者皆可

旁通

三三兌下
坎上

節亨苦節不可貞

澤上有窪坎之水多則流入于澤少則窪坎足以容之
有節之象卦體剛柔各半上下體皆以陽剛節制于中
亦節之義天地民物莫不有中正之節以致亨通可固
守而不險者也然亦有節過于中至于困苦窮極則不
可固守以爲正亨以五言苦以上言○節必兼中得中
卽貞卽亨節不可不及人皆知之亦不可太過人未必
知之故又以苦節爲戒

彖曰節亨剛柔分而剛得中苦節不可貞其道窮也

節所以亨由剛柔平分而剛得中也黃氏淳耀曰合于

中卽甘卽亨失其中卽苦卽窮苦與甘反窮與亨反一
說以行險當位以節中正以通

以卦德言說以行險險者難行之意節本難行而能行
之以說卽甘節之事也九五居位正當以爲節主得中
正之節以大行其道于天下無不通也坎亦爲通

天地節而四時成節以制度不傷財不害民

極言中正以通節道之大天地之陰陽消長皆節而不
過故能成四時寒暑之運而有化育萬物之功聖人制
爲法度皆節而不過故施之天下後世不至于傷財害
民用之有道使之有時也天地節其氣候聖人節其理
欲皆以中正爲主○革節皆言四時成天地之道有節
而後可革也節卽二十四節七十二候

象曰澤上有水節君子以制數度議德行

釋文澤上有水或作中今不

用

澤上之水有餘當以隄防節之君子象之以制立器數法度爲一世之節擬議道德行事爲一身之節制之議之不使過中也爲政本乎德置法以民議道自己也孔氏穎達謂度數尊卑禮命之多少德行人才堪任之優劣君子象節以制其禮數等差使皆有度議人之德行任用皆使得宜大象亦象此義

初九不出戶庭无咎

陽剛居初得正知在下未可有爲固守其節謹言謹行如身在戶內不出戶外之庭當止而止君子處下之節如此大傳專以慎言釋此爻蓋言最易出言不出則行

可知又兌主口舌也初與四應似非能正者但當節之時惟剛能節又兌初塞坎之下流水在澤之底皆止而不出之象

象曰不出戶庭知通塞也

節兼通塞猶艮之兼行止初九不出知塞也知塞則知通矣

九二不出門庭凶

初有戶象二有門象門內之庭卽戶外之庭九二剛而處柔承柔上无應與亦有止而不出之象但初无位當潛二有位當見剛中之才當爲時用乃不往從五亦如初之深藏不出失其當行之節矣故凶○時止而止爲節時行而行亦爲節使初不能止亦必凶使二而能行

亦无咎兩及之義互相足也

象曰不出門庭凶失時極也

通塞皆時也二時當通而不知通失時之極故凶

六三不節若則嗟若无咎

陰柔不中正處兌澤之上水盈而泛溢是以剛修為說不知節者也必至窮困傷嗟凡失節者皆由昏迷縱欲自取其困无所歸咎此无咎解與他處異○張子曰處非其位失節也然能嗟其不節則亦无咎矣按此與臨六三既憂之无咎一例為善補過之意亦通

象曰不節之嗟又誰咎也

又誰咎與解六三同如張子說則與同人初九同

六四安節亨

柔而得正順承九五之甘節以爲節大臣謹身循禮自然安于其節不假勉強百度得數而有常故亨四居坎之下又下應初九爲水就下安流之象凡六四承九五皆爲剛柔相濟在節尤合宜故有自然之安

象曰安節之亨承上道也

承九五而得中正之道故安故亨

九五甘節吉往有尙

陽剛居尊爲節之主象傳當位以節中正以通正指此措諸已則正施諸人則行有甘美而無困苦吉之至也以此而往有功可尙不傷則不害民也節而甘卽禮之體勝而用和也按五爲坎水得中本甘泉之象足以養人故往有尙

象曰甘節之吉居位中也

居尊位而得中故甘故吉

上六苦節貞凶悔亡

節極過中節不能甘而至于苦以此施之于人人不能堪必致乖異雖正亦凶然以刻苦自守始雖有悔終合于禮者甯儉之旨而悔可亡按水流就下而坎之上水易竭亦困象也又險極亦苦之意是必反而從五之甘則亦如四之安而吉若固守上之苦而不變其勢日益窮極則凶矣然苦節之凶終勝于失節之凶故其悔猶可亡來氏知德曰無甘節之吉故貞凶無不節之嗟故悔亡○下體與初二相反時分通塞上體與五上相反道分甘苦通塞得其正甘苦得其中節道乃亨

象曰苦節貞凶其道窮也

上貞凶故象言不可貞皆以道窮釋之

三三 兌下 巽上

中孚豚魚吉利涉大川利貞 釋文豚黃作運

卦體中虛象人之心虛含萬理孚之本也分上下體

又為中實實理自然孚之積也以卦德言又為上下相

孚故卦名中孚物之微賤無知者莫如豚與魚人之至

誠動物必使死知者亦可感格乃為孚信之至而吉也

誠無不格則難無不濟故又曰利涉大川木在澤上體

又象舟也凡信之利以貞為主不貞不足為信反為凶

邪之道矣○朱子語類問中孚孚字與信字恐亦有別

曰伊川云存于中為孚見于事為信說得極好因舉字

說孚字从爪从子如鳥抱子之象令之乳字一邊从孚
蓋中所抱者實有物也中間實有物所以人自信之又
云一念之間中無私主便謂之中虛事皆不妄便謂之
中實不是兩件事○中孚豚魚吉連說與履虎尾同非
爲豚魚之吉也或謂豚魚爲河豚魚其來有信卦氣中
孚爲十一月河豚亦以十一月至不可從

象曰中孚柔在內而剛得中說而巽孚乃化邦也

柔在內則心虛剛得中則理實以虛心含實理而又無
過不及中庸之至誠也又上以誠巽順于下下以誠悅
服于上一人之孚可以化萬邦惟天下至誠爲能化也
豚魚吉信及豚魚也利涉大川乘木舟虛也

他卦有巽止言乘木惟中孚又象虛舟虛舟自死沈覆

之患更利于涉

中孚以利貞乃應乎天也

人心合天理不外貞信蘇氏軾曰天道不容偽

象曰澤上有風中孚君子以議獄緩死

風感水受至誠動物之象君子之至誠足以感動人心者莫大于議獄緩死獄未成則議之已成則緩之獄成而孚輪而孚在我者必盡在人者無恨中孚之道皆由此而推兌爲議巽爲緩楊氏萬望曰議獄者求其入中之出緩死者求其死中之生也○易言折獄皆取明此言議獄則取誠誠至則明生也卦亦爲六畫之離

初九虞吉有他不燕

在孚之初承象中孚利貞之義而統言之虞度也燕安

也凡用孚者必先虞度其正不正而後信之則所信者
 正固而心安矣使其所信一有不正則愆義而悔吝叢
 之其心不安矣有他謂舍其正而有他也又或所信已
 正不能固守復失其信而有他亦迷惑而不安也皆戒
 占者之詞○初本與四正應而爻辭言虞則當應不當
 應皆在其中矣荀氏爽謂虞安也初宜自安虞無意于
 四則吉有意于四則不安項氏安世以為中孚六爻皆
 不取外應孚在其中無待于外也亦通

象曰初九虞吉志未變也

初以未變之志為虞可得孚信之正已變則不及虞也

九二鳴鶴在陰其子和之我有好爵我與爾靡之

釋文好爵如字

王肅呼義反靡本又作糜同亡港反讀也徐又武倚反又亡彼反坤蒼作糜陸作縻京作廟

剛中誠實之德存于內處幽遠而自晦無求于人而同德自然相孚如鶴鳴于幽隱之中而其子自和之蓋我有最貴重之好爵而與爾共樂戀之好德之誠有同然也二與五不應而應其象如此本義在陰謂九居二好爵謂得中靡與靡同○張氏浚謂二處二陰之下爲在陰其子和之謂初愚謂鶴鳴子和通論同德相孚以五爲主而二和之則乾五大人造而雲從龍風從虎之象以二爲主而五和之則伊尹耕莘湯三使往聘之象以二爲主而初和之則七十子從孔子之象不必泥于五以二爲子以初爲子之例好爵自五言則與賢者其天位自二言則良貴也孔穎達靡訓散言其分之也亦通象曰其子和之中心願也

六三得敵或鼓或罷或泣或歌

釋文或罷如字王肅音皮徐扶彼反

陰柔不中正以居極極乃徒為端說而无信者與上九應亦窮極而无信者兩皆无信足以相當故曰得敵其反覆用詐更无常度故曰或鼓或罷或泣或歌極言以无信相接之狀也得敵或鼓或罷明是攻取之事傳義三以柔說之質應上既有所係動息憂樂惟所信是從不能自主其象如此亦通

象曰或鼓或罷位不當也

位不中正则无信无信则无常

六四月幾望馬匹亡无咎

釋文幾音機又音祈京作近荀作既

柔正居四以承五之剛中大臣中虛以受聖主中實之德而施之于下一德一心相孚之至臣道極盛有月幾

望之象臣愛君之手以爲孚猶月受日之光以爲光望則疑于信故以幾望爲極盛然固本與初應如兩馬爲匹苟私係于下卽不能專信乎上又必疑其私係專以誠信事君乃得无咎○三四皆中虛之爻三以虛受上之邪四以虛受五之中然必蓋亡其屬匹之私乃爲中虛之至而成中孚之實○易中六四應初九有大臣下賢之象故多得吉惟中孚不數應初九信必歸于一二心不可以事君也

象曰馬匹亡絕類上也

絕其黨類上從九五人臣無私應不貳不雜也

九五有孚舉如光啓

處中誠相交之時陽剛中正君實爲孚之主是必至誠

之心充塞于內固結于外上下相孚如拍磬然使天下
如一家中國如一人乃得君道之正而无咎九五當合
天下以成王之孚不但如民之孚于已臣之孚于君而
已无應愈見其公故直云有孚響如孚亦君分內事故
止稱无咎要知響如无咎即該豚魚利涉之義○胡氏
炳文曰六爻惟九五言孚孚之主也○本義謂孚于九
二義尚狹

象曰有孚響如位正當也

孔氏穎達曰以其正當尊位故戒以繫信乃得无咎

上九翰音登于天貞凶

爻有二義處外而居上信極反无信如鳥乘巽風鼓舞
飛鳴音若登天徒務虛聲而實德亡矣又信所不當信

翰音登天本無實事而亦信之凡執滯不通蔽于諛邪者皆是此孚之不正者也而皆自以爲正而固守之未有不凶者也翰羽物也本義鷄曰翰音乃巽之象居巽之極爲登于天鷄非登天之物而欲登天信非所信而不知變亦猶是也王氏弼曰翰高飛也飛音者音飛而實不從之謂也蘇氏軾曰翰音飛且鳴者也飛而求鳴鳴而求信故曰翰音登于天九二在陰而子和上九飛鳴而登天其道蓋相反也按巽于巽象爲切而義則羽物飛鳴較長

象曰翰音登于天何可長也

何可長有二義聲聞過情謂可立時又有聲无實愈久愈凶故聖人戒以何可長象其感致也

三才圖會下
三才圖會上

小過亨利貞可小事不可大事乘鳥遺之音不宜上宜下

大吉類文不宜上
大吉類文不宜上

陽大陰小陰多于陽是小事之過又為心過于小凡事

有當小過于常道而後是以屬世矯俗者是小過正以

適乎中所以得亨然亦履乎其時耳時以小過為正乃

利于小過非正當其時則不利也要之小過之時以陰

為主習小為過小事可行大事必不可行小事可過大

事必不可過譬如飛鳥所遺之音不能逆而上聞止宜

順而下遺占者如是則處下任小順時得正而大吉也

○時有小不及乎中者當以小過濟之有大不及乎中

者當以大過濟之濟其不及然後合于中非真過中也

者當以大過濟之濟其不及然後合于中非真過中也

故有亨道飛鳥道上則窮過下則得所安朱子所謂行
過乎恭喪過乎哀用過乎儉皆是過于小過後一步自
賤的意思愚按卑約合乎時宜所以大吉但小過所處
甚多不專是卑約則亦不盡大吉也故爻辭止稱先凶
象曰小過小者過而亨也過以利貞與時行也

小者必過然後亨卦所以有小過時勢當慎貞也

柔得中是以小事吉也剛失位而不中是以不可大事也
二五柔得中三四剛失位不中大事業兩得位得中不
能濟也

有飛鳥之象鴻飛鳥遺之音不宜上宜下大吉上逆而下
順也

上逆下順以小者言也小人居上豈能理居下則順理

凡過之事順乎天理人情則可過過則不可過大小過皆然俞氏曰過風而上爲過順風而下爲順○程傳以有飛鳥之象句爲解者之辭誤入象中按象傳亦是解象曰山上有雷小過君子以行過乎恭喪過乎哀用過乎儉

雷出于地而過于山去山不遠亦小過而已君子知事有宜于小過者如行之過恭喪之過哀用之過儉皆可以小過而不可甚過者也三者皆宜下之道凡小過之事類此○恭哀儉常思不及故當小過以取中若甚過則恭至于辱身哀至于滅性儉至于苦節又非中道矣程傳雷震于山上其聲過常故爲小過

初六飛鳥以凶

卦有飛鳥之象中二陽爲身上下四陰如張翼初上兩爻象翼之末飛而後見故皆稱飛鳥飛鳥宜下不宜上初六陰過而不中上應九四小人恃有應援躁疾求進上而不下逆理甚矣故有飛鳥以凶之象言過之速如飛不可救止也按初處艮下似能止于下者但象鳥之鼓翅必不能止故凶以象爲主也

象曰飛鳥以凶不可如何也

人欲救而不及已雖悔而無及不可如何也

六二過其祖遇其妣不及其君遇其臣无咎

柔順中正不援乎上過而不適家所謂小事吉者然必過而後遇故有過祖遇妣之象三四陽爻象父象祖五陰象妣陰與陰同類相從又皆得中應之而不過亦可

以成小事矣然五在上則君之在下爲臣二之柔中不
但不敢過五又能退處下體不及其在在上之君而適得
其爲下之臣蓋五爲守成清靜之君而二乃恭謹順命
之臣是真合乎宜下之道者故无咎○妣祖喻陰陽妣
謂祖之妣宗廟之序昭穆相間孫從祖則孫婦從妣二
與五在國爲臣之事君在家則爲孫婦之從妣皆柔得
中之道陽亢陰順過祖遇妣以喻去亢而效順也
象曰不及其君臣不可過也

臣節之大豈可過哉過臣然後及君不過則不及也

九三弗過防之從或戕之凶

釋文或戕
徐在良反

三四皆剛失位不中者陰過之時君子失位宜過于謹
慎以防小人之戕害而三過剛而止居下之上自持其

剛正不肯過以防之則小人得伺其所不防而從或戕害之矣能無凶乎九三以過防爲中不過防則不中不中亦失其正占者能過防則免于凶也○九三大段剛正而小事不能過慎以防患害故聖人深戒之君子而不中以處末世難免于禍矣

象曰從或戕之凶如何也

九四无咎弗過遇之往厲必戒勿用永貞

爻辭分兩層无咎一層弗過遇之三句一層四以陽處陰居上之下又在巽體非若三之過剛故得无咎以其柔巽能下過于謹慎以遇之也但四之剛本失位而不中正者聖人又慮其不能常用柔下復戒之曰若弗能過以遇之則往而有厲矣占者必以此爲戒勿自用其

不中之剛而永守以爲正也弗過遇之四字連讀與弗
過防之句法同遇卽得中之謂○過之時无所不過二
過祖遇妣過以遇之者也故无咎三宜過以防之者也
不過防故凶四亦宜過以遇之者也能過遇則无咎不過
遇則往厲故兩言之四柔則能過遇九剛又慮不能過
遇也朱子語類過遇謂加意待之也愚謂君子過慎以
合中道則過防小人加意待小人皆在其中矣○按六
二言過以遇之三戒其不過防四戒其不過遇爻例並
同唯上六過亢則弗遇而直過之弗過遇之者病其不
過弗過遇之者又病其太過故文義畧變○他卦皆以
永貞爲利此獨勿用者聖人非教人不正也過之時過
乃得中不過反不得中若固守其不過之正則爲子莫

之執中矣故不可用

象曰弗過過之位不當也往厲必戒終不可長也

位不當剛不中也因其剛不中故以弗過過之厲戒之
終不可長釋勿用永貞不可長守其剛以致厲也○程
傳位不當謂處柔長讀上聲文義俱不合本義爻義未
明此亦當闕按勿過過之是反言示戒傳義連上无咎
作正義故說不去

六五密雲不雨自我西郊公弋取彼在穴

小過之時柔中居尊不能大有爲密雲二句同小畜象
詞亦小畜不能降大澤之象也柔尊稱公當弋取在下
之同德以自助在穴陰物謂六二柔中之君應用剛德
之臣以濟之但小過三四皆失位不中惟六二柔中同

德尚可用故取之然君臣皆柔止可奉法順流小有動
作終不可大事也或謂陰居五勢亢澤不下究當取巖
穴之賢以自助則膏澤下于民此抑人君之亢而使之
下賢亦宜下不宜上之意不必專取六二亦通○張子
曰小過有飛鳥之象故困曰取彼在穴按不取飛而取
在穴亦宜下之意

象曰密雲不雨已上也釋文已上也並如字
上又時季反鄭作尙

上六弗過過之飛鳥離之凶是謂災眚釋文飛過玉竹反
本多誤故詳之

陰居上不中動極過極又象鳥翅之未事皆不與理遇
動即過之過而不已如飛鳥過高離而愈遠不能自下
其凶甚矣小人高亢過甚逆理已極是以天災人眚並
集而不可解也眚罪也或謂離即鴻則離之之離孔穎

達謂離矰繳亦通○初六飛鳥在下俾進之小人上六
飛鳥在上亢極之小人其凶皆同上離之則過尤甚故
天人交誦之是謂災眚見其凶之甚也○小過之極遠
成大過離之遠也

象曰弗遇過之已亢也

陰不宜上而五已上故不兩陰不宜亢而上已亢故有
凶○六爻惟二得宜下之道五雖柔中而處太高上則
高亢極矣初處下而志太高三亦高亢不能下四在可
下可上之間故辭多凶厲惟二无咎

三三

離下
坎上

既濟亨小利貞初吉終亂

文事小絕句以
小達利貞者非

卦以剛柔各正為體水火相交為用則事功成矣如涉

水之既濟也大功既成而條理節目之小可次第釐正之故既濟之後所亨者反在小事由大及小治道乃備大小畢濟也既濟之時利以貞固守之俾勿壞但初濟之時猶有懼心人皆守正故吉其後狃于治安漸忘戒慎遂失其正紀綱紊亂至于終極則亂生矣故人居安思危慎終如始利貞之義也○既濟已是大亨大亨之後爲亨亦小本義亨小當爲小亨似不必泥若但云小亨似無大亨故變其文耳○濟極必亂自是天運而聖人惟以人事防之故卦爻多戒辭

彖曰既濟亨小者亨也

本義亨下疑脫小字陸氏銓曰國家當極盛時縱有好處只是尋常事所以說小者亨

利貞剛柔正而位當也

六十四卦中惟既濟三剛居陽位三柔居陰位最正當天下之人皆得正所以爲既濟亦所以永保其濟也
初吉柔得中也

內卦爲初六二柔中明體故能濟而吉二以離之主爲既濟之主故異于小過之柔中不可大事

終止則亂其道窮也

既濟之終人有止心止則上下息荒百度廢陸道窮而亂生彖曰終亂傳曰終止則亂非終之自亂也由于止也不止于終何亂之有聖賢所以貴無逸

象曰水在火上既濟君子以思患而豫防之

水在火上明是烹飪之事日用飲食養人之功成矣故

曰既濟君子知凡事既濟之後必有患害之事潛生暗
長故于無患之時先思其患而豫防之乃使濟者常濟
不至有患也不思不豫未有不終亂者也○黃氏煥謂
水上火下雖相爲用然水決則火滅火炎則水涸相交
之中相害之機伏焉故君子思患豫防能防在乎豫能
豫在乎思

初九曳其輪濡其尾无咎

又有數義既濟之初猶有戒心曳輪濡尾雖當既濟常
若有未濟之象故得无咎又事之既濟當如解之來復
安靜守正不可求進不已必曳輪濡尾而不進則无咎
又大難甫濟用力孔艱在前者已離于難則曳其輪而
休息之在後者雖離于難猶濡其尾而困悴焉但當靜

以安之雖困而死咎也又與輪不輕進能持慎也既濟
而能持慎雖濡其尾終必得濟亦无咎也昔戒謹之辭
輪在下尾在後皆利象曳倒曳之使不進也○既濟初
濡尾與未濟初濡尾不同未濟而濡尾必至于濡首利
凶既濟之濡尾則身已出險惟尾尚濡于水耳不絕
孽未盡慎以防之難可盡消故雖濡而无咎也

象曰曳其輪義无咎也

曳輪知止其義无咎

六二婦喪其茀勿逐七日得

婦失其茀乃死反其茀
于其作其茀作茀遂作茀

二為離明之主柔順中正而居既濟之下體賢臣在下
能成濟世之功者也象所謂初吉以二之柔得中也其
功德盛矣上有九五陽剛中正為應宜其有交泰之休

但既濟之時君心易盈不復進而有為則不能爲進用
賢故有婦喪其茀之象茀與後之蔽婦喪茀則不可行
言不得行其志也然二之德業終不可廢五爲正應離
離必合故又有勿逐七日得之象喪者時爲之也逐則
失其所守故戒以弗逐七日喻時過也亦有不久卽得
之意二五水火性本不合故有喪得之則水火交而志
行既濟之功乃成婦道卽臣道也程傳卦有六位七則
變矣七日得謂時變也亦通○按喪茀就未仕言賢者
未行其志事仍未濟及其既得則往而道行遂成既濟
之功二居內卦爲既濟之主由未濟而成既濟者也此
爻之正義又就已仕已濟言賢臣功德已盛每爲主上
猜忌亦有喪茀之象而二之柔順中正終必感動人主

得行其志及亦兼此義

象曰七日得以中道也

二守中道以濟世終必得行其志

九三高宗伐鬼方三年克之小人勿用

既濟至三內安外攘事已盡濟體剛用剛有高宗伐鬼方之象自初至三三年之象三年後克見用武之難雖盛時不可輕動也治道大成必用君子以維持之乃能久安長治若用小人則賊賢害民喜事紛更治轉為亂矣故戒以勿用○九三既濟已盛之時盛即衰之機制治于未亂保邦于未危惟在勿用小人而已小人勿用百弊無自而生此思慮豫防之大要領也

象曰三年克之億也

釋文無
作億

三年克之傷財勞民高宗爲主已見其德他人爲之將
有不戰自焚之患可見在文德不在武功

六四繻有衣袽終日戒

釋文繻而朱反子夏作繻王與同
女反王肅音如說文作縗子

夏作縗京作縗按繻說文一引
作縗一引作縗神說文引作縗

既濟之四與泰之四相似盛平之後芽孽易生以防患
弭變爲急四柔正能戒備者也言濟則有舟四入坎體
如舟在水宜防罅漏衣袽所以塞其隙有衣袽以預防
其濡又必終日戒懼不敢自安其慎如是可以弭變而
保泰矣既濡而後求衣袽則無及不戒而害已深衣袽
已無所施思患不可不豫而杜害又必于其微也程傳
繻當作濡○按四本近君之大臣但弭患兼君臣在內
以時勢論不泥爻位如既濟之三未濟之四皆取高宗

伐鬼方之象皆以時言也

象曰終日戒有所疑也

有所疑是終日戒之心

九五東鄰殺牛不如西鄰之禴祭實受其福

勢莫盛于既濟之五然既濟外卦已漸趨于未濟則
已過矣時過則勢亦將退福亦漸減不若未濟而將濟
之時勢方盛而福日增也故以東鄰殺牛不如西鄰
禴祭爲比以祭祀言者餘辨治民皆以誠敬爲主不在
物儀殺牛之盛不如禴祭受福者文盛而誠不足也人
君能存誠以保治雖弱國猶足以自強况富有四鄰乎
此因其極盛將衰而諱之以情德格天持盈以虛保合
以損禴祭受福之旨也○傳義謂東鄰陽也指五而鄰

陰也指二本義又當文王與紂之事故其象占如此或謂東西者彼此之詞不以五與二對言愚謂東鄰西鄰本假設之象但據象傳不如西鄰之時則東鄰已失時西鄰方得時似當以未濟六五爲西鄰既濟之五由盛趨衰時已過也未濟之五由衰趨盛正得將濟之時也亦合東陽西陰文王與紂之象

象曰東鄰殺牛不如西鄰之時也實受其福吉大來也
得時者用薄而吉大來則失時者自當戰戰栗栗憂盛危明愈自卑約以自求福矣

上六濡其首厲

既濟之極反爲未濟柔處險極小人宴安耽毒騎奢淫佚如狐涉水而濡其首危厲之甚終亂之象也卦以上

爲首初爲尾自恃其治必至于亂故曰亂者有其治者也與泰上城復于隍義同大而有國小而一家一身皆有此象

象曰濡其首厲何可久也

濡首有危何可久而不返危而不反死期將至亦何可久○天地交爲泰水火交爲既濟皆以內卦爲主泰之半漸轉爲否既濟之半漸轉爲未濟其警戒之詞大畧相同但既濟之五不及泰之五者既濟又爲泰轉否之候也蓋否泰爲治亂之極中間又有損益既未濟四卦泰後始衰爲損泰將轉否則爲既濟否後始盛爲益否將轉泰則爲未濟故未濟內外卦皆爲既濟相反亦畧同否

三三坎下
離上

未濟亨小狐汔濟濡其尾无攸利

火在水上不相為用未成蒸能飲食之功故曰未濟然
水火一轉移間即可以濟故未濟有亨道但濟必俟其
時而不可躁又必終始戒慎而後可濟若如狐之小者
輕躁涉川不知戒慎至于幾濟而濡其尾終不得濟則
无所利矣必如老狐之善疑多畏而後能濟能亨本義
汔幾也○程傳汔作仡不可從○既濟亨小而未濟反
得亨者未濟終于濟也天地不交為否水火不交為未
濟未濟由否轉泰之卦故亨

象曰未濟柔得中也

六五柔得中輔以九二之剛故亨既未濟皆以離之中

爻爲主濟險以明柔又能俱也

小狐汔濟未出中也濡其尾无攸利不續終也雖不當位剛柔應也

不能繼用其力于終終不得濟既濟終止則亂未濟不續終亦不能治惟自強不息乃能善終易理首尾相貫也既未濟爲易之終故彖傳皆以不終爲戒六爻剛柔皆失位然以其皆應同心合力亦有可濟之理此又補足所以亨之義○按小狐濡尾設詞示戒係總言之初爻雖稱濡尾却不專指初爻以初爻出非汔濟也程傳指二言與輿輪貞吉不合

象曰火在水上未濟君子以慎辨物居方

火本炎上水本潤下物性不同君子慎以辨之各居其

方便不相素出天地萬物所以並育而不相害之理于
未濟之象見之又凡物有辨然後有交陰陽男女君臣
上下莫不先嚴其辨各止其所乃能交相爲用先未濟
而後既濟也

初六濡其尾吝

未濟之初陰柔在下而上應九四輕進涉險濡其尾而
不能濟吝道也初有小狐之象吝即象之无攸利新進
小人喜事而僨事可耻甚矣又卦之初通戒占者當未
濟時不可輕進否則有濡尾之吝不必專指柔下小人
亦是一義

象曰濡其尾亦不知極也

極卽極深研幾極數知來之極不知究極事理而妄進

故濡尾○本義極字未詳上下韻亦不叶或恐是敬字
今且闕之程傳謂不智之極按亦不知極與上象亦不
知節句法同不必改知爲智

九二曳其輪貞吉

二在下體險中時未可濟雖陽剛應五而居柔得中能
自止而不進有曳其輪之象得處未濟之正故吉○程
傳謂六五以柔爲君戒九二剛進以明事上恭順之道
亦通○初二兩爻正當未濟之時初柔而不中故有濡
尾之吝二剛得中故有曳輪之吉然使尾不濡又何吝
輪不曳安能吉言外皆有勸戒在○既濟之初尙當曳
輪何況未濟之二正在坎中既濟之初兼言曳輪濡尾
未濟初二兩爻分言之曳輪濡尾原是兩項事既濟之

初亦兼有此兩項人但濡尾亦是既濟之濡耳

象曰九二貞吉中以行正也

二雖非正然得中則能行正矣故曳輪而吉程子所謂正未必中中無不正此亦之通例

六三未濟征凶利涉大川

分兩截言以及德言陰柔不中正小人惡德庸才焉能濟事故六爻中惟三直言未濟以其不能有爲也若肆意妄行其凶必矣然以時位言居坎之上險終將出上應陽剛苟能變柔爲剛去其不中正以歸于中正則未濟者亦將濟矣故又有利涉大川之象蓋以小人占之則有未濟之凶以君子占之則有涉川之利也○本義或疑利字上當有不字按此爻義最難明征凶則不利

涉利涉則不征凶也須知聖人繫易俱有反正兩層如未濟之三原是將濟之時但以六三之小人處之終是未濟終是征凶占者能鑒其失而以中正處之自是利涉之時又何疑焉

象曰未濟征凶位不當也

六爻皆不當位三獨言位不當失德尤甚也

九四貞吉悔亡震用伐鬼方三年有賞于大國

四入上體已出坎險又以剛居明體上承六五之柔中未濟漸轉爲濟之時也當用剛健正固之德以濟天下之艱虞四本不正而有悔故戒占者剛而能貞則吉而悔亡其象如高宗之始震動以伐鬼方用力之久至于三年然後成功而行賞于大國也應上卦三爻乃至未

濟之終故曰三年或謂震即震驚赫方之震亦通○古者天子皆命方伯大國征討不庭鬼方荒遠高宗亦必命大國伐之非親討也故功成則有形弓秬鬯山川土田以賞于大國與師之開國分封又異或謂震即當時將相之名既克而賞之以大國恐未必然○未濟求濟用力甚難非剛強正固者不能故以伐鬼方爲喻未濟之四伐鬼方之始既濟之三伐鬼方之終未濟上卦即既濟下卦也

象曰貞吉悔亡志行也

剛而能亨故志行

六五貞吉无悔君子之光有孚吉

文明柔順居尊爲未濟之主得時濟世之賢君也五以

陰居陽本非正而宜有悔以其得中而應剛虛心下賢
故能守貞而吉且无悔其豐功厚澤足以宏濟艱難光
輝之盛皆出于孚實故吉而又吉也程傳上云吉以貞
也下云吉以功也○按君子之光以離明言五處未濟
之世而有光者未濟能濟光輝更盛文王順于四方光
于西土正是此象

象曰君子之光其暉吉也

釋文暉字又作輝

明之見乎外者曰先光之被于物者曰暉暉吉被其光
者皆吉也貞言在五暉吉在天下

上九有孚于飲酒无咎濡其首有孚失是

承六五言未濟之終反為既濟又以剛居明極明能燭
理剛能斷義故事无不濟可信其功之成當飲酒以宴

樂矣去險已遠故无咎然良士履巽好樂無荒若樂而不知節如狐之涉水而濡其首則所信者又失其是矣蓋治功雖成又不可過于逸樂乃无後艱易道懼以終始也酒坎象○本義謂時將可以有爲而自信自養以俟命无咎之道若縱而不反如狐之濡首則過于自信而失其義程傳謂上非得濟之位无可濟之理則當樂天順命而已又是一義○上之剛明本有孚也至于濡首則昔之有孚者今又失是矣○既濟之上濡首陷于險未濟之上濡首溺于樂義亦有異

象曰飲酒濡首亦不知節也

孔氏穎達曰釋飲酒所以致濡首之難以其不知止節故也

周易擇言卷四終

周易擇言卷四終

七